

S T E N O G R A M
20. RADNE SJEDNICE SKUPŠTINE KANTONA SARAJEVO
ODRŽANE DANA 14.03.2025.GODINE

Elvedin Okerić (predsjedavajući)

Otvaram 20. Radnu sjednicu Skupštine Kantona Sarajevo. Himna Bosne i Hercegovine.

Molim sve prisutne da svako na svoj način odamo počast svima onima koji su dali svoje živote za odbranu Bosne i Hercegovine.

Pozdravljam uvažene kolegice i kolege zastupnike, članove Vlade, uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe, sjednici prisustvuje 24 zastupnik, što je dovoljan broj za punovažan rad i odlučivanje.

Na osnovu člana 72. Poslovnika Skupštine Kantona Sarajevo, Kolegij Skupštine Kantona Sarajevo, na sjednici održanoj 05.03.2025. godine, utvrdio je Prijedlog dnevnog reda današnje, 20. Radne sjednice, koji glasi:

1. Poslanička/zastupnička pitanja inicijative i odgovori;
2. Prijedlog Odluke o potvrđivanju smjene ministra u Vladi Kantona Sarajevo;
3. Prijedlog Odluke o imenovanju pravobranioca Pravobranilaštva Kantona Sarajevo.

Molim zastupnike da se izjasne o predloženom dnevnom redu.

Zaključujem glasanje. Molim službu da objavi rezultate glasanja. Za je glasalo 23 zastupnika, protiv i suzdržanih nije bilo. Konstatujem da je Skupština za 20. Radnu sjednicu Skupštine Kantona Sarajevo usvojila dnevni red, kako je i predloženo.

Prelazimo na prvu tačku dnevnog reda. Sada je tačno 09,30. Poslanički sat, pitanje i inicijative.

AD-1. POSLANIČKA/ZASTUPNIČKA PITANJA, INICIJATIVE I ODGOVORI

Imamo li prijavljenih? Zastupnica Belma Kapo, izvolite, imate riječ.

Belma Kapo (zastupnica)

Hvala. Pozdravljam sve prisutne i naše drage i građanke i građane. Ja podnosim inicijativu prema ministrici osnovnog odgoja i obrazovanja Naidi Hota-Muminović, a ona se odnosi na izmjenu Pravilnika u kome je definisana mogućnost roditelja da opravdaju dječji izostanak u toku jednog polugodišta. Ja sam dobila odgovor od Ministarstva gdje su oni obrazložili zašto ne mogu povećati broj opravdanih dana u jednom polugodištu na 5. U obrazloženju su se pozvali na najbolji interes djeteta i Konvenciju o pravima, dječjim pravima, pa bih ja, evo, zamolila našu uvaženu ministricu ako može, još jednom, samo da preispitaju svoju odluku. Mislim da im se obratila Javna ustanova Dom zdravlja Kantona Sarajevo, Vijeće roditelja. Ukoliko postoji ikakav prostor da ovdje napravimo jedan iskorak, da olakšamo cijelom i zdravstvenom sistemu i roditeljima i školama. Mislim lično, ali evo, ne bih se svakako uplitala u rad samog Ministarstva da to neće, povećanje tih broja dana na 5 u jednom polugodištu zasigurno neće ni na koji način oštetiti obrazovni sistem, a jako bi pomoglo i roditeljima i zdravstvenom sistemu, posebno u ovim zimskim periodima, kada imamo ogromnu cirkulaciju virusa, pa bih, evo, zamolila uvaženu ministricu ako može još jednom da preispitaju svoju odluku i ako može, da ovdje ipak izađu u susret evo cijelom ovom sistemu. Ako je moguće usmeni odgovor, ako nije, onda svakako u pismenoj formi. Hvala.

Elvedin Okerić (predsjedavajući)

Zastupnica Miomirka Melank se javila za riječ.

Miomirka Melank (zastupnica)

Zahvaljujem, pozdravljam sve prisutne i one koji nas prate putem televizije i interneta. Građani su mi uputili molbu da predložim inicijativu za izmjenu starosne granice u Pravilniku o uvjetima za izbor predstavnika etažnih vlasnika. Član 2. Pravilnika definiše limit od 70 godina za izabranog predstavnika etažnih vlasnika i 65 godina za predstavnika koji se bira po javnom pozivu. Smatram da je ova odredba diskriminatorna i da bi je trebalo ukinuti jer građanima uskraćuje pravo na aktivno učešće u svojoj stambenoj zajednici isključivo na osnovu starosne dobe, a ne prema njihovoj stvarnoj sposobnosti. Članom 3. Pravilnika definisani su posebni uvjeti, između ostalog i da je položio test za obavljanje poslova predstavnika etažnih vlasnika, što smatram dovoljnim kriterijem za ispunjavanje uslova. Ombudsmeni su već ukazali na slične slučajeve diskriminacije kao što je bilo ograničavanje radnog vijeka ljekarima. Praksa je pokazala da su ograničenja diskriminatorna u slučaju kada drugi kriteriji budu zadovoljeni. Tako je prema preporuci ombudsmana, zabrana rada ljekarima starijim od 75 godina ukinuta. Ako su doktori sposobni da rade u tim godinama, ne postoji opravdan razlog zašto ne bi mogli i raditi etažni vlasnici po ovom istom principu. Dešava se, naime, da nekada budu imenovane osobe za predstavnike koji potpuno na drugoj adresi stanuju jer među stanarima ne mogu se pronaći adekvatno i onda neki poslovi kasne mjesecima, ne mogu da se obave zbog toga što ne postoje unutar ulaza ili zgrade etažnih vlasnika izabran predstavnik. Hvala vam.

Elvedin Okerić (predsjedavajući)

Zahvaljujem se uvaženoj zastupnici. Za riječ javila zastupnica Vedrana Vujović. Izvolite, imate riječ.

Vedrana Vujović (zastupnica)

Zahvaljujem, predsjedavajući. Dobar dan svima, veliki pozdrav i kolegama zastupnicima i članovima Vlade, kao i građanima koje prate i na današnji rad. Danas upućujem zastupničku inicijativu prema Ministarstvu zdravstva i Kantonalnoj upravi za inspekcijske poslove za dostavu sveobuhvatne informacije i provedbu inspekcijskog nadzora na Kliničkom centru Univerziteta u Sarajevu povodom informacija koje su se pojavile u javnosti, a tiču se beba rođenih na Klinici za ginekologiju i akušerstvo Kliničkog centra kojima je dijagnosticirana meningitis netom po izlasku iz porodilišta te su primljeni na Odjel neonatologije početkom januara 2025. godine. Od izuzetne je važnosti ovom problemu pristupiti odgovorno, stručno i transparentno te blagovremeno i preventivno djelovati i sve posljedice efikasno sanirati. Napominjem da su ove informacije uznemirile javnost da po provedbi inspekcijskog nadzora i utvrđivanja svih relevantnih činjenica očekujem da Vlada Kantona Sarajevo o istom izvijesti i Skupštinu Kantona Sarajevo, ali i širu javnost. Dalje, upućujem zastupničko pitanje premijeru Kantona Sarajevo i Direkciji za robne rezerve koji je razlog zašto u skupštinsku proceduru još uvijek nije upućen Prijedlog Zakona o robnim rezervama Kantona Sarajevo? Podsjetit ću vas da je Vlada Kantona Sarajevo u julu 2022. godine utvrdila Nacrt Zakona o robnim rezervama, a više od godinu dana kasnije, 4.10.2023. godine, prihvatila ga je i Skupština i uputila u javnu raspravu u trajanju od 60 dana. Godinu dana nakon toga, 27.11.2024. godine, Direkcija za robne rezerve uputila je javni poziv na konsultacije povodom Prijedloga zakona, a koje su završene 10. 12. 2024. godine i do danas taj zakon, odnosno Prijedlog zakona, još uvijek nije u skupštinskoj proceduri. Imajući u vidu sve ovo što sam rekla, očekujem usmeni odgovor od premijera koji ovdje prisutan i pismeni odgovor od direktorice Direkcije. Također, još jedno pitanje na koje tražim usmeni odgovor je kada ćemo imati Prijedlog budžeta u skupštinskoj proceduri? To je pitanje i za premijera Kantona, ali i za ministra financija na koje tražim usmeni odgovor. I evo iskoristit ću, s obzirom da poslovnički nemam mogućnost molbe, ali evo da ne bi upućivala inicijativu, zaista da zamolim Ministarstvo zdravstva i sve javne zdravstvene

ustanove da, blagovremeno i da adekvatno planiraju javne nabavke kako se više ne bi događalo da ponovno imamo situaciju sa žalbenim postupkom, da nema reagenasa na Kliničkom centru za PET CT preglede. Toliko, hvala lijepa.

Danijela Kristić (dopredsjedavajuća)

Zastupnik Selmanović.

Faruk Selmanović (zastupnik)

Zahvaljujem predsjedavajuća. Evo sve srdačno selamim i pozdravljam i naše gledaoce kraj malih ekrana, i kolegice i kolege u zastupničkim klupama. Imam pitanje. Znači moje pitanje upućujem Vladi Kantona Sarajeva, Ministarstvu komunalne privrede i infrastrukture, prostornog uređenja, građane i zaštita okoliša Kantona Sarajeva i Uredu za borbu protiv korupcije i upravljanja kvalitetom u Kantonu Sarajevo. Od premijera Kantona Sarajevo i v.d. ministra komunalne privrede i infrastrukture prostornog uređenja građenja i zaštita okoliša tražim odgovore na pitanje da li je ugovor o poslovnoj saradnji koji je zaključen između Kantonalnog javnog komunalnog preduzeća RAD Sarajevo i privatne firme Eko pak doo. Sarajevo, kojim se vrši nabavka 100 komada kontejnera, zaključen u skladu sa Zakonom o javnim nabavkama i drugim relevantnim zakonskim i podzakonskim propisima? Pa molim pismeni odgovor na ovo. A moje drugo pitanje ide Uredu za borbu protiv korupcije i upravljanja kvalitetom da, polazeći od navoda iz pitanja koje sam uputio premijeru Kantona Sarajevo, i v.d. ministru komunalne privrede, provede postupak istrage na okolnosti zakonitosti nabavke 100 komada kontejnera iz člana 1. Sporazuma o poslovnoj saradnji koji je zaključen između Kantonalnog javnog komunalnog preduzeća RAD i privatne firme Eko pak do. Sarajevo.

Također, na zamolbu stanara iz Ulice Gandijeva, od broja 1 do broja 4. Sarajevo, upućujem inicijativu Ministarstvu komunalne privrede, infrastrukture, prostornog uređenja i građenja i zaštite okoliša Kantona Sarajeva. Naime, stanari zgrade u Ulici Gandijeva od broja 1 do broja 4, Sarajevo, već duži niz godina imaju problem sa prokišnjavanjem te je situacija postala alarmantna. Zbog prodora vode u stanove na niže spratove, zdravlje stanara postaje ugroženo radi pojave vlage, dok se s druge strane smanjuje sigurnost jer kontinuiran prodor vode može doći do većih oštećenja stambenih jedinica. Upućujem inicijativu da se iznađu sredstva za sufinansiranje rekonstrukcije krova koji je star preko 30 godina, a za ovaj projekat je izrazila spremnost i lokalni organi vlasti da učestvuju u realizaciji istog. Zahvaljujem.

Danijela Kristić (dopredsjedavajuća)

Zastupnica Mehmedagić.

Mersiha Mehmedagić (zastupnica)

Zahvaljujem dopredsjedavajuća. Pozdravljam sve prisutne, kao i građane Kantona Sarajevo koji prate današnje zasjedanje. Imam pitanje koje upućujem Kantonalnoj upravi za inspeksijske poslove. Naime, tražim da mi dostave preglede inspeksijskih nadzora sa podacima o predmetu nadzora, izrečenim mjerama za sva poduzeća iz oblasti privrede i komunalne privrede za 2024. godinu i zaključno sa danom podnošenja inicijative za 2025. godinu. Zahvaljujem.

Danijela Kristić (dopredsjedavajuća)

Zastupnica Gavrankapetanović-Smailbegović.

Fatima Gavrankapetanović-Smailbegović (zastupnica)

Zahvaljujem se. Poštovana dopredsjedavajuća, poštovani članovi Vlade, kolege zastupnici, sve vas srdačno pozdravljam, kao i gledaoce kraj malih ekrana. Ja danas imam jednu inicijativu za ministra zdravstva dr Enisa Hasanovića, a to je da se na Kliničkom centru na lokalitetu Jezero postavi jedan CT aparat i aparat za magnetnu rezonancu. Na lokalitetu Jezero nalaze se tri klinike sa velikim brojem hospitaliziranih pacijenata, od kojih mnogi moraju raditi upravo tu dijagnostiku. Sada se hospitalizirana djeca, trudnice, žene sa ginekološkim oboljenjima prevoze na Klinički centar, a nakon urađene dijagnostike vraćaju se na lokalitet Jezero. Nekada to bude po jako niskim temperaturama, nekada se moraju uraditi hitna dijagnostika, pa se u prijevozu može izgubiti dragocjeno vrijeme. Smatram da bi se postavljanjem ova dva aparata na lokalitet Jezero uveliko olakšalo i pacijentima, a i doktorima i medicinskim sestrama koji idu u pratnje pacijenata. Također, imam pitanja za ministra zdravstva da li imate informaciju kada će proraditi PET CT aparat na Kliničkom centru i da li se mogu prevazići administrativne barijere kod nabavki reagensa koji su neophodni za izvođenje ove pretrage. Veliki broj pacijenata zahtjeva ovu vrstu dijagnostike i ne smijemo dozvoliti da se prave liste čekanja, pogotovo ne za onkološke pacijente. Zahvaljujem se i molim usmeni odgovor.

Danijela Kristić (dopredsjedavajuća)

Zastupnica Hašimbegović.

Marijela Hašimbegović (zastupnica)

Zahvaljujem se dopredsjedavajuća. Srdačno vas sve pozdravljam, posebno naše sugrađane koje prate rad ove sjednice. Za ovu sjednicu pripremila sam 6 inicijativa i 2 pitanja. Prezentirati ću jednu inicijativu koja je upućena Vladi Kantona Sarajevo i Ministarstvu za odgoj i obrazovanje, dakle inicijativa se odnosi na stavljanje van snage suglasnosti za dokument instrukcije o postupanju o slučaju izricanja odgojno disciplinske mjere isključenje iz srednje škole koju je donijelo Ministarstvo za odgoj i obrazovanje. Instrukcija za koju je Vlada dala saglasnost je neustavna i protuzakonita, ona je u koliziji sa Pravilnikom o izricanju odgojno disciplinskih mjera u osnovnim i srednjim školama. Višestruke su povrede zakona u smislu ustupanja nadležnosti za sprovođenje postupka nakon isključenja iz škole institucijama koje pravno formalno ne mogu izvršiti ovakve aktivnosti. Nadležnost resornog ministra, ministrice koji se uvodi u smislu izdavanja rješenja za isključenje kojim se upisuje učenik u škole, za što nema ustavnu i zakonsku nadležnost. Ujedno, ovdje se radi i o pravnom neredu u kontekstu ukidanja žalbe kao pravnog lijeka. Nije propisana dvostepenost postupka uz grubo kršenje ljudskih prava koja su propisana Europskom konvencijom o ljudskim pravima. Ujedno, instrukcija je potpuno nejasna jer nisu definisane odredbe ko i pod kojim uslovima se može isključiti iz škole, da li se učenik može isključiti 3 mjeseca prije završetka školske godine, da li se može isključiti učenik kome je izrečena mjera isključenja iz škole i koji su pod posebnim programom IPP-a i IPB-a propisanih pravilnikom, iz škole u kojoj je napravio težu povredu učeničke dužnosti ranije od 3 mjeseca, koliko jeste propisano, bez obzira kakav je prekršaj učinio. Očekujem da će Vlada Kantona Sarajevo preispitati svoju odluku po pitanju izdavanja saglasnosti na predmetnu instrukciju. Zakon o odgoju i obrazovanju u osnovnoj i srednjoj školi u Kantonu Sarajevo, u članu 94. stav (1) propisuje šta su teže povrede učeničke dužnosti, dok se lakše propisuju pravilima škole. Zakon je članom 74. i 75. propisao da će Ministarstvo izraditi propise o načinu postupanja u preduzimanju mjera zaštite prava učenika te prijave kršenja tih prava nadležnim tijelima. Ministarstvo donosi dokument Pravilnik o izricanju odgojno disciplinskih mjera u osnovnim i srednjim školama koje propisuju vrstu odgojno-disciplinske mjere, način izricanja izrade IPP-a i IPB-a za učenike koji imaju izrečenu mjeru premještaj u drugu najbližu osnovnu školu na području opštine ili Kantona ili mjeru isključenje iz škole koja

je u koliziji sa dokumentom Instrukcija. Pravilnik članom 10. stav (1) propisuje da se IPP i IPB realizuje sa učenicima najmanje 3 mjeseca dok instrukcija, članom 4 propisuje da su u roku od 15 dana. Na kraju, reći ću samo da li su ovako propisani načini prebacivanja učenika iz škole u školu bez mogućnosti žalbe zadovoljava najbolji interes djeteta propisan Konvencijom o pravima djeteta, često spominjan u instrukcijama i pravilnicima. Zaštita djeteta i njegova sigurnost i prava moraju biti jasno precizirana u skladu sa drugim važećim propisima i zakonima. Hvala.

Danijela Kristić (dopredsjedavajuća)

Zastupnik Kalem.

Adi Kalem (zastupnik)

Pardon. Zahvaljujem dopredsjedavajuća. Sve vas srdačno selamim i pozdravljam, tako isto gledaoca pored malih ekrana koji prate današnji rad sjednice selamim i pozdravljam. Naime, ja sam za danas pripremio jednu inicijativu i 2 pitanja, a tiču se javnog prijevoza putnika u Kantonu Sarajevo. Na današnjoj sjednici podnosim inicijativu za izmjenu rute kretanja minibusa na liniji Pazarić - Osenik. Lokalna zajednica se i ranije obraćala po ovom pitanju i dok sam i ja bio tu, u Ministarstvu, uglavnom, na osnovu ranijih zahtjeva Općinskog vijeća Hadžići i Savjeta Mjesne zajednice Pazarić, te inicijative pokrenute 2020 godine, podnosim inicijativu za izmjenu rute minibuske linije broj 57, Pazarić-Osenik kako bi se omogućilo njeno kretanje kroz naselje Resnik. S obzirom da su sada stvoreni svi infrastrukturni uslovi za realizaciju ove izmjene i uključujući izgradnju dva autobuska stajališta u suradnji sa Općinom Hadžići, smatram da je neophodno što prije izvršiti prilagodbu rute i da se uspostavi nova trasa kretanja kako bi djeca Resnika, odnosno naselja Resnik mogla bezbjedno stići do škole. Ovu inicijativu upućen Ministarstvu saobraćaja Kantona Sarajevo i Kantonalnom javnom komunalnom preduzeću Gras doo. Sarajevo. Također, vezano za ovaj istu rutu minibusa 57, postavljam pitanje Ministarstvu saobraćaja, Grasu i Kantonalnoj upravi za inspekcijske poslove do kada će djeca Osnovne škole "9. maj" Pazarić, koja putuju ovim minibusom biti taoci neadekvatnog, neadekvatno prilagođenog reda vožnje ovog minibusa, obzirom da u posljednje vrijeme u razgovorima sa građanima Pazarića, predstavnicima Savjeta Mjesne zajednice imam određena saznanja, odnosno određene informacije da isti taj minibus kreće puno ranije nego kada se djeca puste sa časa, zadnjeg časa. Također, zamolio bih i postavljam pitanje Ministarstvu saobraćaja i Centrotransu, a tiče se minibuske linije Hadžići- Mokrine, je li, većina nas, dosta nas zastupnika je podnosila inicijativu na ovu temu i na nedostatak ovog minibusa, evo, hvala Bogu, on je profunkcionisao, međutim, izgleda da red vožnje nije usuglašen sa potrebama djece i stanovnika tog kraja, pa bih zamolio kada možemo, zamolio, znači i ministarstvo i Centrotrans, kada očekujemo da će zajedno sa rukovodstvom škole i savjetima mesnih zajednica kroz koje prolazi ovaj minibus, imati, da tako kažem, adekvatan red vožnje koji će zadovoljiti sve potrebe građana, al' prvenstveno djece ove Osnovne škole. Zahvaljujem.

Danijela Kristić (dopredsjedavajuća)

Vrijeme. Zastupnica Memić.

Arijana Memić (zastupnica)

Zahvaljujem dopredsjedavajuća. Pozdravljam sve prisutne i građane koji prate naš današnji rad. Ja ću imati nekoliko pitanja za Općinski sud u Sarajevu, tačnije Prekršajno odjeljenje u vezi sa primjenom zaštitnih mjera u slučajevima nasilja u porodici. Želim postaviti pitanje u vezi učestalošću, efektima izricanja određenih mjera. Koliko puta su u posljednjih 5 godina

izrečene mjere udaljenja počinitelja nasilja iz stana i psihosocijalnog tretmana u slučajevima nasilja u porodici, koliko od tih izrečenih mjera je prekršeno nakon što su donesene? Vezano za kaznenu odgovornost u slučajevima neplaćanja alimentacije. Dakle, prema vašoj evidenciji da li je neko osuđen zbog neizdržavanja, to jest zbog neplaćanja alimentacije, odnosno jesu li i koje kazne izrečene osobama koje nisu izvršavale svoje obaveze u vezi sa plaćanjem alimentacije? Podnosim inicijativu prema Ministarstvu unutrašnjih poslova Kantona Sarajevo za poboljšanje kvalitete materijala od kojih se izrađuje oružni listovi u Kantonu Sarajevo te da se razmotri uvođenje QR coda za ličnu, za lakšu provjeru autentičnosti. Trenutni materijal je izuzetno podložan oštećenjima, što otežava njegovu dugoročnu upotrebu. Kako bi se osigurala veća trajnost i sigurnost oružnih listova, potrebno je razmotriti mogućnost zamjene materijala te da se umjesto sadašnjeg kartonskog papira koristi plastificirana kartica poput onih koji se koristi za vozačke dozvole ili lične karte. Također, uvođenjem QR kodova za oružne listove omogućila bi se brza, jednostavna i sigurna verifikacija autentičnosti i dokumenata. Upotreba modernijih materijala može doprinijeti uštedi u dugoročnom održavanju oružnih listova jer bi bili otporniji na fizičko oštećenje. Vjerujem da će stručna analiza omogućiti najbolje moguće rješenje koje će unaprijediti trenutni sistem izdavanja oružnih listova. Podnosim inicijativu prema Ministarstvu pravde i upravi Kantona Sarajevo, Kantonalnom tužilaštvu Kantona Sarajevo, da se u godišnjim izvještajima o radu Kantonalnog tužilaštva Kantona Sarajevo, koji se dostavljaju Skupštini Kantona Sarajevo na usvajanje uvrsti i dodatne informacije o disciplinskim postupcima pokrenutim protiv tužilaca tokom izvještajnog perioda. Informacije o pokrenutim disciplinskim postupcima omogućavaju transparentnost u radu Tužilaštva, ono pokazuje javnosti da su tužioci odgovorni za svoje postupke i da se svaka potencijalna nepravilnosti ili kršenje profesionalnih standarda razmatra kroz odgovarajući disciplinski postupak. Informacija o disciplinskim postupcima omogućila bi građanima da vide da postoje mehanizmi kontrole i da nije dopušteno neprihvatljivo ponašanje u institucijama koje provode zakon. Skupština Kantona Sarajevo kao nadležni organ koji usvaja godišnji izvještaj o radu Kantonalnog tužilaštva Kantona Sarajevo, treba da bude u mogućnosti da sagleda rad Tužilaštva u punom kontekstu. To uključuje ne samo koliko su efikasni u obavljanju svojih zadataka, već i da li su tužioci odgovorni za svoje ponašanje i postupke. Zahvaljujem.

Danijela Kristić (dopredsjedavajuća)

Zastupnica Hodžić.

Admela Hodžić (zastupnica)

Zahvaljujem dopredsjedavajuća. Pozdravljam sve prisutne i sve one koji prate naš rad. Upućujem zastupničko pitanje Vladi Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbijede sredstva prema ekonomskom kodu 613 900, posebno naknada za podsticanje rehabilitacije zapošljavanja osoba sa invaliditetom i tražim da Skupštini Kantona Sarajevo dostavi odgovor, odnosno podnese izvještaj za proteklu godinu za koliko neuposlenih osoba sa invaliditetom je uplaćeno sredstava prema Zakonu o profesionalnoj rehabilitaciji, osposobljavanju i zapošljavanju lica sa invaliditetom. Član 18 najmanje jedno lice sa invaliditetom na svakih 16 zaposlenih dužni smo uposliti. I koliko je tih sredstava iskorišteno u odnosu na iznos predviđen Budžetom za 2024 godinu. I detaljnu informaciju koliko je osoba sa invaliditetom koristilo ova sredstva za navedene svrhe uplaćena u Fond za profesionalnu rehabilitaciju i zapošljavanje osoba sa invaliditetom. Detaljnu informaciju tražiti od Fonda za profesionalnu rehabilitaciju i zapošljavanje osoba s invaliditetom za sredstva koja su uplaćena iz Budžeta Kantona Sarajevo za 2024. godinu. I podnosim inicijativu Vladi Kantona Sarajevo i Ministarstvu za rad socijalnu politiku raseljena lica i izbjeglice Kantona Sarajevo da provedu

sve potrebne procedure kako bi u institucijama u Kantonu Sarajevo, Gradu Sarajevo i općinama Kantona Sarajevo u pravilnike s kriterijima za prijem radnika u radni odnos bio uvršten i član 15. Zakona o profesionalnoj rehabilitaciji, osposobljavanju i zapošljavanju lica sa invaliditetom, "Službene novine Federacije Bosne i Hercegovine" 9/10, odnosno da prednost pri zapošljavanju u subjektima iz stava (2) ovog člana u okviru javnog sektora imaju i lica sa invaliditetom, ako pored općih ispunjavaju i po posebne uvjete za radno mjesto. Toliko za sada.

Danijela Kristić (dopredsjedavajuća)

Zastupnik Dević.

Mahir Dević (zastupnik)

Hvala. Imam jedno pitanje za premijera, ministra privrede i ministra financija Kantona Sarajevo. Mi smo kao Skupština Kantona, čini mi se, u 2022 godini izvršili izmjenu Zakona o šumama na način da su sredstva za opšte korisne funkcije šuma ukinuta. Međutim, u trenutku ukidanja tih sredstava na računima budžetskim se nalazilo nekoliko miliona konvertibilnih maraka iz prethodnih godina sredstava koja su prikupljena. Pa ću ovo pitanje uputiti u pismenoj formi da mi se decidno odgovori gdje su ti milioni od opšte korisnih funkcija šuma potrošeni, tačno u koje projekte, šta je iz njih financirano i na koji način su ta sredstva realizirano. To pitanje ću, naravno, dostaviti i premijeru i ministru privrede i ministru financija u pismenoj formi. I imam jednu inicijativu koju pokrećem do sada, ja mislim jedno pet puta u zadnjih pet, šest godina. Ona se tiče izmjene zakona kojim bi se omogućila legalizacija bespravno izgrađenih objekata u Kantonu Sarajevo. Naravno, vi meni ovdje već pet godina, ovaj pet godina me zamajavate. I ovaj ministar koji je bio u pritvoru i onaj prije njega, i onaj prije njega i premijer dva, tri puta; za mjesec ćemo, za dva ćemo, za tri ćemo, za pet ćemo i tako je prošlo 5 godina. Prema tome, evo koristim priliku da kao zastupnik još jednom pokrenem tu inicijativu, prevashodno prema Vladi Kantona Sarajevo, da se taj Zakon nađe na sjednici Skupštine Kantona Sarajevo, konačno. Napomenut ću vas da držite Kanton Sarajevo u blokadi 6 godina. U tih 6 godina je napravljeno dodatnih 20 000 bespravnih objekata u Kantonu Sarajevo, a vi se pravite kao da se ništa ne dešava u sektoru izgradnje u Kantonu Sarajevo. Znači imate jedan potpuni haos. Također, u skladu s tim sam pokrenuo bio inicijativu, isto tako prema nadležnom ministru, kojeg nemamo, da se omogući građanima i tzv bespravni priključak na struju koji je dozvoljen u Federaciji da se isto tako uradi i za vodu. Znači, imate sada situaciju da ljudi mogu dobiti privremeni priključak za električnu energiju jer je to riješen nekom presudom Ustavnog suda, a paralelno s tim isti taj objekat ne može dobiti privremeni priključak za vodu, pa sam i to tražio od ministra da se ta praksa nekako ujednači, da se vidi da osnivač, da li preduzeća komunalna, da li općine daju neku privremenu suglasnost, međutim, ni to niste uradili, pa evo, koristim priliku da i tu inicijativu pokrenem, ali evo, nadam se da ćete valjda imenovati ovog ministra koji bi trebao da predloži ta zakonska rješenja. Hvala lijepo.

Danijela Kristić (dopredsjedavajuća)

Zastupnik Avdić.

Samir Avdić (zastupnik)

Zahvaljujem dopredsjedavajuća. Pozdrav svima prisutnima i onima koji prati naš rad putem medija. Rijetke su prilike da smo saglasni kolega Dević i ja, al evo ja ću iskoristiti priliku da dam podršku ovoj inicijativi u vezi sa iznalaženjem zakonskog rješenja, boljeg zakonskog rješenja za konačnu finaliziranje procesa legalizacije i bespravno izgrađenih objekata individualnog stanovanja. I s tim u vezi naš tim, naša radna grupa unutar SDP-a i radi na

jednom prijedlogu, pa evo da obradujem kolegu i da ga informišem, da ćemo uskoro izaći sa tim prijedlogom i prema Vladi i prema Skupštini i nadamo se njenoj podršci. Moje prvo pitanje u vezi sa prodajom, masovnom prodajom novih knjiga na javnim površinama u Kantonu Sarajevo. Naime, Klubu SDP-a obratila se zajednica izdavača u Bosni i Hercegovini sa informacijama koje su onako prilično frapantne. Kada govorimo o ovoj temi, ne mislim na ulične prodavače polovnih knjiga ili udžbenika, iako bi, iako je i to vrlo zanimljiva tema kojom bi se trebalo pobrinuti Ministarstvo obrazovanja, s obzirom da je u određenoj koliziji prodaja udžbenika na ulici sa projektom, odnosno programom besplatnih udžbenika za učenike u Kantonu Sarajevo, ali to je druga tema. Ja ću se vratiti na ovu prodaju koja je najvidljivija na velikim, da kažem, relativno velikim javnim površinama ispred Arije, odnosno bivšeg BBI ili SCC-a i sličnih, pa se obraćam Tržišno- turističkoj inspekciji sa pitanjem da li su u posljednjih pola godine pola godine imali intervencija u vezi sa tom prodajom, da li su kontrolisali prodaju i na šta su ustvari naišli zbog toga što prema informacije koje smo mi od zajednice dobili, te knjige su ustvari nove knjige koje se nelegalno donose, uglavnom iz Srbije, bez uvoznih dokumenata, neke od tih knjiga novih koje se prodaju se umnožavaju ilegalno, većinom na području Republike Srpske, nemaju pravilno deklarisanu artiklu, ne izdaju se bilo kakvi računi za prodati u robu, nemaju istaknut naziv prodavca, što je obavezno i prilikom ulične prodaje, nisu PDV obveznik i zbog te navodne utaje različitih poreza stvara se nelegalna konkurencija koja otežava rad našim legalnim knjižarama u Kantonu Sarajevo i dovodimo njih, ukoliko to ne riješimo, u neravnotežan položaj u odnosu na, pardon, te obrte, te firme iz Brčkog i iz Prijedora. Znači pitanje prema Tržišno- turističkoj inspekciji. Zahvaljujem.

Danijela Kristić (dopredsjedavajuća)

Zastupnik Šaljić.

Jasmin Šaljić (zastupnik)

Hvala. Imam pitanje za predstavnika Ministarstva unutrašnjih poslova. Kakav je status policajca koji je uz gusle širio nacionalnu i vjersku netrpeljivost, koje ste mjere poduzeli? Je li suspendovan, ako je suspendovan je li protiv njega, osim disciplinske odgovornosti, pokrenut, pokrenuta i krivična prijava? Ono što javnost zna, on je, vi ste njega poslali na prinudni godišnji odmor. Molim vas da nam odgovorite usmeno.

Drugo pitanje. Za Ministarstvo komunalne privrede infrastrukture prostornog uređenja građenja i zaštite okoliša. Znamo da je tačka dnevnog reda danas je ministar koji treba da zamijenimo, ali ima tu neko ko mijenja. Jeste li upoznati da je u naselju Rosulje, u zgradi koju je izgradio Fond Kantona Sarajevo za izgradnju stanova, a koje je financirao Kanton Sarajevo, šehidske porodice, porodice poginulih pripadnik Armije i nestalih pripadnika, plaćaju vodu i komunalije po 3 puta skupljoj cijenu, kubik vode plaćaju umjesto 0,70 feninga, 2,18. Iz Vodovoda vrše obračun kao da su u pitanju poslovni prostori i firme.

I imao sam jednu inicijativu. Mahire ti vidi, koliko imam vremena? Pokrećem inicijativu od Skenderije do Vijećnice imamo 9 mostova. Pokrećem inicijativu prema svim relevantnim parlamentima, skupštinama, komisijama, da imena i nazive tih Mostova dodijelimo po naših 9 heroja odbrane oslobođilačkog rata. Hvala.

Danijela Kristić (dopredsjedavajuća)

Zastupnik Lemezan.

Redžo Lemezan (zastupnik)

Hvala predsjedavajuća. Evo, s obzirom da se prvi put javljam, prije svega da pozdravim poselanim sve nas ovdje i naše građane koji nas prate. Pa evo na fonu ovoga što je kolega Dević govorio u potpunosti se slažem s inicijativom i da podsjetim i ovu Skupštinu, a i premijera i Vladu, da smo tadašnji kolega zastupnik Irfan Čengiđ, a današnji načelnik Opštine Stari Grad i ja podnijeli inicijativu donošenja Zakona o legalizaciji, prije nekih po 18 mjeseci, da još nismo dobili odgovor na tu temu i mislim stvarno evo kada se usvoji budžet i kada završimo ovo što nam je hitno, da se ova Vlada treba posvetiti tome. Preko 30 ili 40 000 čak objekata je nelegalno, odnosno u statusu te neke legalizacije i ti ljudi očekuju rješenje svog problema. Također, kolega Dević je rekao za priključak za vodu da ne može privremeni. Ja dodajem inicijativu i podnosim inicijativu da uz vodu se doda i privremeni priključak za gas, jer nije moguće da, nije ni normalno, da jedno može, drugo i treće ne može. Ukoliko riješimo prirodni priključak za gas, pored ovoga za vodu sigurno ćemo imati jedan energent na koji će se ljudi zdravije grijati i imat ćemo čistiji vazduh itd. Itd. I sve ono što vam je realno produkt u onim zimskim danima. Tako da molim vas da u izmjenama Zakona o postornom uređenju uvrstite i ovu inicijativu u predložene izmjene. Eto toliko, hvala.

Elvedin Okerić (predsjedavajući)

Zahvaljujem se zastupniku Lemezanu. Za riječ se javio zastupnik Damir Marjanović.

Damir Marjanović (zastupnik)

Zahvaljujem predsjedavajući, pozdravljam se sve kolegice i kolege, kao sve one koji prate ovu današnju Skupštinu. Nije pitanje, nego je zamolba. Molba prema Ministarstvu odgoja i obrazovanja da mi u pismenoj formi dostavi spisak udžbenika odobrenih u školskoj 2024/25, ali sa godinama njihovog izdavanja, u stvari sa godinama njihovog kreiranja, da budem precizniji. Ovdje tabele koje imam, vidim ko je autor, vidim kako se zovu udžbenici, ali na žalost i zbog ovoga spiska koji ja imam, možda tražim na pogrešnom mjestu, ne mogu da vidim kada je taj udžbenik kreiran. Jednostavno me zanima da vidim koliko apdejtirano znanje pružamo našim dječacima i djevojčicama u osnovnim, pa i u srednjim školama. Hvala vam velika.

Elvedin Okerić (predsjedavajući)

Zastupnik Muamer Bandić se javio za riječ.

Muamer Bandić (zastupnik)

Selamim i pozdravljam sve prisutne i one koji nas prati put malih ekrana. Imam jednu zastupničku inicijativu prema Ministarstvu zdravstva Kantona Sarajevo i Javnoj ustanovi Dom zdravlja Kantona Sarajevo da obezbijedi službu za laboratorijsku dijagnostiku, odnosno uzimanje krvi za laboratorijski nalaz u sklopu ambulate Velešići. Predmetnom inicijativom tražim da su istoj ambulantu u Velešićima obezbijedi još jedan ljekar porodične medicine. U naselju Velešići živi jako veliki broj stanovnika, a posebno starije životni dobi i narušenog zdravstvenog stanja kojim usluge porodične medicine pruža ambulanta Velešići, u sklopu koje se sve do početka pandemije covid nalazila služba za laboratorijsku dijagnostiku. Kako se radi o velikom broju osoba starije životne dobi, boračkoj populaciji, šehidskim porodicama, postoji sve izraženija potreba da ova zdravstvena usluga bude vraćena u ambulantu Velešiće. Usluge porodične medicine u toj ambulanti pružaju dva doktora porodične medicine koji rade u dvije smjene i u prosjeku za jednu smjenu ljekarskih usluga pruže oko cca 80 pacijenata. Ukoliko znamo da bi optimalan broj pregleda u jednoj smjeni bio 20 do 25 pacijenata, dovoljno govori

o potrebi za još jednim doktorom porodične medicine u ovoj ambulanti. Zbog svega navedenog pokrećem inicijativu prema Ministarstvu zdravstva Kantona Sarajevo i Javnoj ustanovi Dom zdravlja Kantona Sarajevo da u što kraćem roku i u sklopu ambulate Velešići obezbijedi službu da laboratorijsku dijagnostiku, odnosno uzimanje krvi za laboratorijski nalaze i u istoj ambulanti obezbijedi još jednog, trećeg ljekara porodične medicine. Imam jedno pitanje za Ministarstvo privrede Kantona Sarajevo. Neisplaćeni poticaji za četvrti kvartal 2024 godine, koji su trebaju biti isplaćeni do 31.01.2025. godina. Podsjetit ću da je proljetna sjetva skoro počinje i treba nabaviti repromaterijal, poljoprivrednici su vezani agro rokovima, a još uvijek nije donesena odluka o poticajima ni za 2025. godinu, a već je kraj prvog kvartala i počinje drugi kvartal 2025 godine. Još ću samo zamoliti, predsjedavajući vas, ja sam podnio inicijativu da mi sve institucije iz oblasti Kantona Sarajevo dostave izvještaj o zaključenim ugovorima o djelu. Okolnost da nisam dobio od svih institucija, tražio sam od Ureda za borbu protiv korupcije jednu takvu informaciju, međutim one institucije koje su me uputile na njihov portal, kada sam pogledao njihove unesene u tom portalu i one koje sam dobio nisu baš bili kompatibilni, odnosno neki ili nisu uneseni ili stranica nije na najbolji način ažurirana. Iz tih razloga one institucije koje mi nisu dostavile, zamolio bih zaista jer je inicijativa usvojena da jednu takvu inicijativu realiziraju. Hvala.

Elvedin Okerić (predsjedavajući)

Zahvaljujem se zastupniku Bandiću. Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajuću. Evo pozdravljam sve prisutne i sve građane koji nas prate preko malih ekrana. Ja sam za ovu sjednicu pripremio 5 inicijativa, ali evo, zbog vremena ću prezentovati samo jednu. A tiče se inicijative prema Ministarstvu za nauku, visoko obrazovanje i mlade, a tiče se sufinansiranje, odnosno dajem zastupničku inicijativu da Ministarstvo sufinansira licenciranje Univerziteta u Sarajevu za rad neophodnim proizvodima kompanije Microsoft kroz zaključivanje (nerazumljivo) ugovora između Univerziteta u Sarajevu i kompanije Microsoft. Naime, u prethodnim godinama i predstavnici Vlade Kantona Sarajeva, Univerziteta u Sarajevu su obavili niz raznih sastanaka sa lokalnim i regionalnim predstavnicima kompanije Microsoft s ciljem institucionalnog rješavanja licenciranja i nesmetanog korištenja proizvoda kompanije Microsoft kako bi se sistemski riješilo korištenje istih od strane cjelokupnog Univerziteta u Sarajevu, koji bi pored računara koje koriste nastavnici i saradnici, obuhvatio računare koje koristi nenastavno osoblje, računare u laboratorijama, salama fakulteta, akademija, instituta te serverska rješenja i Microsoft alate koji se koriste u nastavi, kao i pitanje licenciranja i Microsoft servisa za studente Univerziteta. Do sada su članice Univerziteta zasebno rješavale ovo pitanje na različite načine, pa je po meni pitanje sistemskog pristupa rješavanju ovog problema jako bitno i zbog unificiranja licenci i mogućnost njihovog korištenja na cijelom Univerzitetu u Sarajevu, tako i zbog potencijalnih ušteda u ugovaranju jedinstvenog paketa za cijeli Univerzitet u odnosu na sklapanje pojedinačnih ugovora svake pojedinačne članice. Na tim razgovorima ponuđena je opcija potpisivanja tog općeg sporazuma Univerziteta u Sarajevu sa Microsoftom, po tom principu (nerazumljivo) ugovora. Prednost, to je takav tip ugovora je jednostavan i dugoročno je isplativ oblik licenciranja koji akademskim institucijama osigurava dostupnost svih proizvoda obrazovne platforme sa ugovorenim godišnjim brojem korisnika, kao i pristup punom paketu Microsoft proizvoda i usluga i to jednako za profesore, saradnike nenastavno osoblje i studente. Jedna od najvećih prednosti ovakvog ugovora licenciranja na razini Univerziteta je da omogućava besplatne licence za do 40 studenata po jednom licenciranom nastavniku, tj ukoliko se potpiše ugovor na razini Univerziteta za nastavno i nenastavno osoblje tada će i svi studenti

Univerziteta u Sarajevu dobiti istovjetan paket usluga besplatno, što smatram da je jako dobro za sve studente. Suštinski, kao najznačajniji aspekti ovog ugovora omogućava se Microsoft 365 paket za preko 26 000 korisnika, odnosno osoblje Univerziteta i studente, na raspolaganju imaju puni Office 365 MS Windows licence, što je jako važno Univerzitetu i po pitanju korištenja ostalih servisa koji se veže na ove, ove licence. E-mail sam 100 MB mail boks u 100 gigabajta u mail boks, kao i mnoge druge prateće servise vezano za taj ugovor. Zbog toga šaljem ovu zastupničku inicijativu i smatram da bi ovaj tip ugovora koji bi Univerzitet u Sarajevo koštao oko 180.000 dolara, što je oko jedne marke i deset feniga mjesečno po korisniku, bio koristan za Univerzitet i ujedno bi napravio uštede, a ako u najmanju ruku bi još dodatno poboljšao kvalitet korištenja svih ovih alata koji se nude. Hvala.

Elvedin Okerić (predsjedavajući)

Ministar Enis Hasanović se javio za riječ. Odgovori na postavljena pitanja. Izvolite imate riječ.

Enis Hasanović (ministar)

Hvala. Zahvaljujem predsjedavajući, pozdravljam sve prisutne i one koji nas prate preko TV ekrana. Prvo zastupnica Vedrana Vujović. Inicijativa da se inspekcijski nadzor dostavi za bebe rođene na Ginekološko akušerskoj klinici Kliničkog centra Univerziteta u Sarajevu. To se desilo u januaru, infekcija koja je rezultirala meningitisom i to se desilo oko 3 novorođene bebe. Imalo je zvanično saopštenje Kliničkog centra. Dvije su prirodni porod, jedna je carskim rezom porođena. Bio inspekcijski nadzor. Kontaktirali su nas istog dana, mi smo obavijestili inspekciju Zavoda za javno zdravstvo, urađene su analize, serijske analize, u više navrata inspekcija je dala neko javno saopštenje, ali mi ćemo proslijediti dobijemo da dobijete, ako inspekcija bude to uradila, zvaničan inspekcijski nalaz postoji, sve je završeno i inspekcija zatražit ćemo da nam dostavi zvanični nalaz.

Drugo je bilo pitanje ili molba za javne nabavke, da zdravstvene ustanove planiraju na vrijeme. Kao što znate da ja sad to skratim, javne nabavke su veliki problem u zdravstvenom sistemu BiH. Dio problema je preko inicijative zastupnika u državnom parlamentu Saše Magazinovića riješen preko tih tzv. "profesionalne žalitelja". Mi i dalje imamo tih problema, mi ni na nekakav način nismo uključeni ni u jednoj zdravstvenoj ustanovi, pogotovo ne Klinički centar kao federalnu ustanovu u proces nabavki. Ono što su mi rekli da je na vrijeme planirano, da oni znaju, medicinari da je to komplikovano za PET CT nabavka dolazi avionom taj dan, radioaktivna je stvar u pitanju i do sada nisu imali druge dobavljače osim taj neki jedan, sada se pojavio drugi koji se žalio. To se ne može predvidjeti. To je sada na Uredu za žalbe. Ured za žalbe, na žalost, rješava to poprilično sporo i evo, čekamo to da se riješi. Ni na kakav način ne možemo tu utjecati. Ono što ovih dana jel, bit će na Vladi, pa će doći na Skupštinu je Strategija razvoja zdravstva koja ne postoji nigdje sada ni na federalnom ni na kantonalnom nivou, mi ćemo je donijeti. Jedna od stvari koju želimo kroz Strategiju razvoja zdravstva je da je u nekom srednjoročnom periodu sljedećih 5 godina uspostavimo centralizovan sistem javnih nabavki u zdravstvu. Pogotovo aparata i ostalog da bi riješili sve ove eventualno probleme, opremili službu jednu koja bi radila sve ove nabavke. U svakom slučaju, to jeste veliki problem. Zastupnica Fatima Gavrankapetanović, Inicijativa da se na Jezeru, lokalitet Jezero, to je porodilište i dječja hirurgija gore, obezbijedi, na Kliničkom centru se postavi magnet, aparat za MRI, magneta rezonanca i CT. Sve je objasnila, apsolutno podržavamo to. Sad se stvara, samo jel, pitanje se javlja kapaciteta prostornih, da li imaju gdje to smjestiti, kadra i opreme. Apsolutno bi bilo poželjno jer je to, naravno, opterećenje i za pacijente, pa na kraju krajeva opterećuje i transportni sistem Kliničkog centra. Nemaju dovoljno auta, vozača i sve ostalo, tako da apsolutno bi bilo dobro ako Klinički centar bude mogao realizovati u inicijativu i podržat ćemo je svakako. Pitanje isto za PET CT aparat. Mogu li se riješiti administrativne

barijere u nabavkama? Ja sam otprilike to i sada i rekao za, u odgovoru na pitanje zastupnice Vedrane, stvarno ćemo probati da centraliziramo, ne znamo kako drugačije, aparate i ostalo, ali to neće biti sada. To je srednjoročna mjera gdje bi se trebali podzakonski akti promijeniti i oformiti centralni sistem nabavki i bolja, transparentnija nabavka i pod većom kontrolom. Ali su žalbe i dalje problem iako, kao što sam rekao, djelomično je riješeno. I zastupnik Muamer Bandić, inicijativa Dom zdravlja da obezbijedi u Velišićima uzimanje uzoraka krvi u laboratoriji koja je postojala do covida. Zaista ne znam zašto nije ponovo uspostavljena. Apsolutno ćemo podržati inicijativu, proslijediti direktoru Doma zdravlja i tražiti da to uradi i ako treba, apsolutno nema smetnje ni da se i oprema nabavi i da se tamo rasporedi osoblje, zaista ne znam zašto nije, ali radit ćemo na tome da se to uspostavi. Dva doktora porodične medicine rade tamo i potrebno je više. Slažem se, na puno mjesta ima više, ali i na prošloj Skupštini ste pitali kako ćemo primiti? Evo da kažem mi po prvi put, vjerojatno iza rata nema ni jednog doktora više na Birou za zapošljavanje. Direktor je to uradio, pozvao sve doktore, svi su sa Biroa za zapošljavanje primljeni u Domu zdravlja, tako da mi smo uradili ono sve što se može. Svi su i većina njih poslana specijalizacije. Trenutno mi sve doktore koji imaju u Sarajevu, pa i okolici smo zaposlili. Tako da ćemo nekim organizacijom rada probati i ovo riješiti, u svakom slučaju primat ćemo doktore i na rad i na specijalizaciju i probati riješiti sve te kadrovske probleme. Hvala.

Elvedin Okerić (predsjedavajući)

Zahvaljujemo se ministru Hasanoviću. Premijer Nihad Uk se javio za riječ.

Nihad Uk (premijer)

Hvala uvaženi predsjedavajući. Srdačan pozdrav vama, kolegama, skupštinskim zastupnicima i gledaocima pored malih ekrana. Tri pitanja su bila usmjerena od tri zastupnika prema meni. Prvo pitanje je bilo od uvažene zastupnice Vujović po pitanju Zakona o robnim rezervama. Kako je zastupnica napravila hronologiju i zaista jeste u decembru prošle godine završeno radno tijelo koje je trebalo da predloži izmjene i dopune Zakona o robnim rezervama. U međuvremenu su sugestije od Ureda za zakonodavstvo uvažene i očekuje se do kraja ovog mjeseca da će biti upućen Zakon o robnim rezervama od strane robnih rezervi kao službenog predlagača Vladi Kantona Sarajevo, a analogno tome i Skupštini Kantona Sarajevo. Drugo pitanje je po pitanju budžeta? Dakle, plan je danas ili najkasnije sutra, da Vlada Kantona Sarajevo uputi u skupštinsku proceduru Budžet za '25. godinu, tako da neki datumi za utvrđivanje na Skupštini Budžeta su 25 i 26 ili 27. mart. Ali to je više skupštinsko pitanje. Drugo pitanje uvaženog zastupnika Selmanovića ugovor RAD-a po pitanju nabavke kontejnera, dostavit ćemo u pismenoj korespondenciji sa vama direktno od samog RAD-a. Zastupnik Dević je pitao oko sredstava OKFŠ-a. Dakle, to ćemo isto tako dobiti u pismenom odgovoru. I ovo pitanje koje se povlači već, evo kako je zastupnik Dević rekao, proteklih pet, šest godina, a radi se o legalizaciji nelegalno izgrađenih objekata. Interesantna tema, dakle, koju su pokrenuli ja mislim svi klubovi proteklih pet godina. Mogu vam zvanično reći da je krenula procedura oko izmjene Zakona o prostornom planiranju. 24. februara smo imali prvi sastanak sa načelnicima sarajevskih općina, dakle svih 9 općina u Kantonu Sarajevo, gdje smo prezentirali prednacrt izmjene Zakona o prostornom uređenju koje su radile službe iz resornog ministarstva. Zaključak toga jeste bio da se on na te izmjene dostavi komentari od strane općina i oni su dostavili proteklih dana, odnosno sedmica, tako da se očekuje naredne sedmice sastanak sa predstavnicima iz svih općina kako bi se definisao ovaj materijal na kojem su radile službe i službenici Ministarstva komunalne privrede i prostornog uređenja. Tako da proces je krenuo. Ja očekujem zaista u narednim mjesecima da će se okončati izmjena i da omogućimo legalizaciju objekata onako kako to struka kaže u najboljem interesu. To što se tiče pitanja.

Elvedin Okerić (predsjedavajući)

Zahvaljujemo se premijeru. Ministrica Darja Softić-Kadenić se javila za riječ.

Darja Softić-Kadenić (ministrica)

Zahvaljujem se. Pozdravljam sve zastupnike i zastupnice u sali, kao i građane i građanke koji prate živi prijenos sjednice. Jedan kratki osvrt na inicijativu koju je podnijela zastupnica Arijana Memić, a vezano za proširenje sadržaja izvještaja Kantonalnog tužilaštva na podatke o disciplinskim postupcima protiv tužilaca. Ova inicijativa će morati ići na izjašnjenje prema Visokom sudskom i tužilačkom vijeću. Naime, disciplinska odgovornost i disciplinski postupak protiv svih nosilaca pravosudnih funkcija su u nadležnosti Visokog sudskog i tužilačkog vijeća. VSTV prima i pritužbe i vodi disciplinske postupke, utvrđuje disciplinsku odgovornost i izriče disciplinske mjere. Pri VSTV-U je formirana prvostepena i drugostepena disciplinska komisija, kao i kancelarija disciplinskog tužioca i VSTV vodi evidenciju o postupcima o disciplinskim postupcima, tako da Ministarstvo Kantonalno tužilaštvo u svom izvještaju izvještava samo o onome za što je Kantonalno tužilaštvo nadležno, pa u skladu s tim, ukoliko Visoko sudsko i tužilačko vijeće bude saglasno sa inicijativom, je to eventualno moguće realizirati, ali bez njihovog učešća nije. Hvala.

Elvedin Okerić (predsjedavajući)

Zahvaljujemo se uvaženoj ministrici. Za riječ se javila ministrica Naida Hota Muminović.

Naida Hota-Muminović (ministrica)

Hvala lijepo. Uvažene zastupnice i zastupnici, poštovani građani Kantona Sarajevo, ja sam imala tri pitanja, odnosno inicijative. Jedna je upućena od uvažene zastupnice Belme Kapo u kontekstu izmjena Pravilnika o pravdanju časova. Mi smo dali jedno obrazloženje na način da smo pokazali zašto je u najboljem interesu učenika da ipak dođe do primarne zdravstvene zaštite, dakle, da mu se omogući pravo da dođe na ljekarski pregled. Kasnije smo, dakle, pregledali još dodatno, sagledali smo mogućnost i odlučili smo da ipak uputimo u proceduru izmjene i dopune Pravilnika na način da se dosadašnja 2 dana koja pravda roditelj u jednom polugodištu zbog bolesti poveća na 5 dana. To smo uradili i nakon konsultacija sa ministrom zdravstva dr Enisom Hasanovićem i ja bih također naglasila da argumentacija koja je navedena i u inicijativama i u javnom prostoru je ipak dio problema, a nije dio argumentacije. Pristup zdravstvenoj zaštiti mora biti omogućen svim građanima Kantona Sarajevo, pogotovo primarnoj zdravstvenoj zaštiti i pogotovo djeci. Moram priznati da nerado pravimo ove izmjene. Smatramo da dijete koje je bolesno treba dobiti adekvatnu ljekarsku, ljekarski pregled i zaštitu i razumijemo da za takvo kapacitiranje primarne zdravstvene zaštite ipak treba vrijeme jer dugo godina nije bilo specijalizacija u oblasti zdravstva, ovako uvodimo jedan institut samoliječenja ili nekog alternativnog liječenja koje zaista može biti i pogubno u nekim slučajevima i može ohrabriti pojedince da odlažu traženje ljekarske pomoći, tako da trebamo biti svjesni toga. I evo, apelujem zaista da se ulože dodatni naponi kako bi se kapacitirao pristup svih građana, pogotovo djeci, zdravstvenoj zaštiti. Zastupnica Marijela Hašimbegović pitala je za instrukciju o postupanju sa učenicima kojima je izrečena mjera isključenja iz škole. Želim naglasiti da smo mi prošli svu proceduru u donošenju ove instrukcije, dakle pribavili smo sva relevantna mišljenja, kako Ureda za zakonodavstvo, tako je Ministarstvo pravde i uprave u svim ovim organima, kao i u Ministarstvu za odgoj i obrazovanje, rade državni službenici koji su višegodišnji i dugogodišnji državni službenici, a ova instrukcija je bila i na Vladi Kantona Sarajevo, jer zakon tako kaže i pribavili smo i saglasnost Vlade. Želim i radi građana koji prate rad Skupštine i evo naš angažman naglasiti da je riječ o instrukciji koja osigurava pravo učenicima kojima jest izrečena mjera isključenje škole da nastave svoje uglavnom

srednjoškolsko obrazovanje. Naše dosadašnje iskustvo, jasna statistika kojom raspolažemo, a prije donošenja ovog novog Zakona o odgoju i obrazovanju u Kantonu, Sarajevu, osnovnoj i srednjoj školi pokazuje da je srednjih škola u Kantonu Sarajevo, dakle samo iz srednjih škola, svake godine 300 učenika bivalo isključeno iz obrazovanja, 300 učenika srednjoškolaca svake godine je bivalo isključeno iz srednjih škola. Mnogi od njih, čak u septembru i oktobru mjesecu. 200, od tih 300 učenika, su nastavljali obrazovanje kao vanredni učenici plaćajući svoje ispite i konzultacije. 100 od tih 300 učenika su završavali doslovno na ulici i bivali su prepušteni samima sebi. Mislim da javni resor, sve ustanove iz oblasti odgoja i obrazovanja, socijalne zaštite, Ministarstva unutrašnjih poslova, Ministarstva zdravstva mogu i trebaju pružiti adekvatne odgovore na ovaj fenomen, na ove podatke. Imamo jak, kapacitiran i stručan nastavni kadar u školama, kapacitirali smo stručne službe i imamo dobro razvijenu saradnju kako sa ustanovama socijalne zaštite, centrima za mentalno zdravlje pri Ministarstvu zdravstva, MUP-om, upravom policije. Tako da zapravo je u interesu svima da kroz prevenciju i predan rad sa učenicima koji se ogriješe o školska pravila uglavnom, radimo predano i posvećeno kako ne bismo viđali slike dekadentnog društva u kojima, koje možemo vidjeti u nekim gradovima u svijetu gdje veliki broj mladih ljudi završava kao, završavaju kao beskućnici. I nažalost, već od 6, 7 sati okupiraju ulice, trotoare, stanice metroa, tramvajske stanice i tu provode svoje vrijeme propadajući. To je jako loša slika i mislim da kao društvo da tu barem imamo koncenzus, da se slažemo, da moramo svi uložiti dodatne napore kako bismo napravili zdravo društvo. Mi ćemo kao resor odgoja i obrazovanja dati svoj puni odgovor na sve pojave u društvu u skladu, naravno sa našim nadležnostima, i ovim putem se zahvaljujem svim profesionalcima u pobrojanim resorima koji stvarno radi izuzetno važan posao za naše društvo. Uvaženi zastupnik Damir Marjanović zamolio je i pitao za spisak odobrenih udžbenika. Ovaj spisak kreira Federalno ministarstvo za nauku obrazovanja i mlade. I mi ćemo, dakle, ovu inicijativu uputiti, ovaj upit uputiti Federalno ministarstvo. Tragom jedne, jednog ranijeg političkog dogovora, ovaj spisak se kreira na federalnom nivou i evo, ja mogu izvijestiti da smo nedavno imali koordinaciju ministara obrazovanja u Federaciji Bosne i Hercegovine i da smo razgovarali i o problemima udžbeničke politike, tako da očekujem da će i ta koordinacija i određene mjere koje smo rekli. Ići u smjeru revidiranja postojećeg federalnog spiska odobrenih udžbenika mi, dakle, nemamo Kantonalni spisak. Istovremeno, Zakon o udžbenicima u Kantona Sarajevo početi će se primjenjivati od prvog SEP septembra ove godine, tako da u tom smjeru možemo očekivati da će Kanton Sarajevo moći realizirati svoje nadležnost kada je pitanje udžbenička politika. Hvala.

Elvedin Okerić (predsjedavajući)

Zahvaljujemo se ministrici Hota-Muminović. Za riječ se javio sekretar Ministarstva unutrašnjih poslova da ponuditi odgovore na postavljena pitanja umjesto ministra Admira Kaca. Izvolite imate riječ.

Tarik Kršlak (sekretar MUP KS)

Dobar dan. Pozdravljam sve prisutne u vezi u vezi pitanja zastupnika Šaljića Jasmina, kakav je status policijskog službenika koji je pjevao pjesme neprimjerenog sadržaja. Uprava policije Ministarstva unutrašnjih poslova poduzela je operativne radnje u smislu navedenog predmeta tako što je obavijestila Odbor za žalbe Skupštine Kantona Sarajevo koje je donijelo zaključak da se provede unutrašnja istraga te da se o istom obavijesti sektor kriminalističke policije MUP-a Kantona Sarajevo, što je učinjeno, te je Sektor kriminalističke policije operativni materijal dostavio Kantonalnom Tužilaštvu Kantona Sarajevo i trenutno, trenutno se čeka odluka Kantonalnog tužilaštva Kantona Sarajevo kako bi se eventualno nastavio disciplinski postupak

protiv navedenog policijskog službenika. Hvala. Trenutno je disciplinski osumnjičeni, nema uslova.

Elvedin Okerić (predsjedavajući)

Zahvaljujemo se. S ovim smo iscrpili tačku jedan, Pitanje, inicijative i odgovori na postavljena pitanja.

Prelazimo na tačku dva:

AD- 2.

PRIJEDLOG ODLUKE O POTVRĐIVANJU SMJENE MINISTRA U VLADI KANTONA SARAJEVO

Materijal ste dobili uz poziv za sjednicu.

U svojstvu predsjedavajućeg Komisije za izbor, imenovanja i administrativna pitanja ukratko ću dati uvodne napomene. Premijer Kantona Sarajevo Nihad Uk je dostavio prijedlog za smjenu Bojana Bošnjaka, ministra Ministarstva komunalne privrede i infrastrukturi i prostornog uređenja, građana i zaštite okoliša Kantona Sarajevo, uz obrazloženje da je Općinski sud u Sarajevu dana 07.02.2025. godine, donio Rješenje kojim su ministru Bošnjaku određene mjere zabrane preduzimanja službenih dužnosti, zabrane posjećivanja određenih mjesta i mjera zabrane sastajanja sa određenim licima.

Shodno navedenom, Komisija za izbor i imenovanja i administrativna pitanje na sjednici održanoj dana 27.02.2025. godine na osnovu člana 37. i 205.a., stav (3) Poslovnika Skupštine Kantona Sarajevo utvrdila je Prijedlog odluke o potvrđivanju smjene Bojana Bošnjaka s funkcije ministra Ministarstva komunalne privrede, infrastrukture i prostornog uređenja, građenja i zaštite okoliša u Vladi Kantona Sarajevo i isti uputila Skupštini Kantona Sarajevo na razmatranje i odlučivanje.

Otvaram raspravu.

Zastupnik Mahir Dević se javio za riječ. Ovo su bile uvodne napomene. Komisija je predlagrač. Komisija je predlagrač. Predlagrač na osnovu zahtjeva premijera.

Jel treba nešto premijer da pojasni? Premijeru, možete li, dodatno evo dati uvodne? Izvolite, imate riječ.

Nihad Uk (premijer)

Hvala još jednom predsjedavajući. Dakle, manje-više je svima nama poznata hronologija ovog slučaja. Ja ću ukratko podsjetiti da je 17. 11. prošle godine utvrđena je mjera pritvora ministru Bošnjaku. Neposredno poslije toga, u 12. mjesecu smo uputili prema Komisiji za izbor, imenovanja i administrativna pitanja zahtjev da se riješi status ministra, govorimo o radno pravnom statusu ministra Bošnjaka i Komisija za izbor imenovanje 11. decembra prošle godine je utvrdila preventivnu suspenziju sa posla ministra Bošnjaka. 07.02. Sud je ukinuo pritvor, ali je utvrdio dodatne mjere zabrane koje su dodatno onemogućile rad ministra Bošnjaka u sklopu Ministarstva i poslije toga, dakle 13. 2. uputio sam predsjedavajućem Skupštine Kantona Sarajevo inicijativu za razrješenje ministra Bošnjaka iz razloga koji su navedeni u samoj mjeri Općinskog suda i obrazloženje tog samog zahtjeva. Kao što je predsjedavajući Okerić rekao, on je postupio po skladu sa Poslovníkom, sazvao je Komisiju za izbor i imenovanje i administrativna pitanja koja je utvrdila Odluku i o kojoj danas raspravljamo. To je kratka hronologija slučaja Bošnjak. Isto tako koristim ovu priliku da se zahvalim v.d. ministru Šteti, koji je proteklih sedmica, da kažem mjeseci, bio, v.d. ministar. Isto tako, da se zahvalim i poželim sreću v.d. ministru Omeru Osmanoviću od jučer, koji je imenovan kao v.d. ministar, i

L/K

na koncu da se zahvalim ministru Bošnjaku, koji je protekli period do utvrđivanja mjere pritvora obnašao poziciju ministra u Vladi Kantona Sarajevo. Hvala još jednom.

Elvedin Okerić (predsjedavajući)

Zahvaljujemo se premijeru Nihadu Uku. Zastupnik Mahir Dević. Izvolite, imate riječ.

Mahir Dević (zastupnik)

Hvala. Mislim da ova sva hronologija koja se dešavala oko ministra Bošnjaka u stvari ponajbolje opisuje vaš rad u Kantonu Sarajevo, svu vašu neozbiljnost, bahatost, neprofesionalizam, vaš poticaj korupciji koji kroz sve sektore i sve resore vi kao parlamentarna većine generirate svakodnevno. Znači, mi ovdje govorimo o jednoj vrsti takve neozbiljnosti, da ja ovo ne mogu da upamtim da je do sada bilo. Znači prvo imate ministra kojeg 100 dana držite na poziciji ministra, dajete mu plaću, on je ministar ministarstva u kome ne radi, a to je vjerovatno najkompleksnije ministarstvo u ovom momentu u Kantonu Sarajevo i 100 dana vi uopće ne reagujete. Isto ko da je u pitanju neko Ministarstvo koje ima daleko manje nadležnosti, gdje su nadležnosti određene određenim zakonima, gdje su protokolarne aktivnosti, kao da govorimo da je ovo, ne znam, ministarstvo kulture i sporta, iako i ono ima svoje nadležnosti, evo da kažem. I nakon 100 dana, gle čuda, vi ste se sjetili da bi trebalo razriješiti ministra s pozicije ministra, bez da danas Skupštini dajete prijedlog imenovanja novog ministra. I danas nama premijer kaže još da se trebamo zahvaliti vjerovatno i Šteti koji je obnašao poziciju ovog ministra, pa ćemo se zahvaliti Omeru koji je sad ispred NiP-a to obnaša. Zahvali smo se i ministru koji je uhapšen i ja sad samo postavljam sljedeće pitanje: šta bi se desilo da je ovo uradila, na primjer, SDA u Kantonu Sarajevo. Pa ja bih zaista volio samo da vidim kako bi se ponašala ova Naša stranka, primjera radi, sa aspekta tih njihovih moralnih, proklamovanih principa. Šta bi oni pričali u ovoj situaciji u Kantona Sarajevo? Kakva bi to saopćenja bila? Kakve bi to instrukcije išle prema medijima kako da se ova situacija izvještava? Znači, gospodo, vi ste najneozbiljnija vlast koja ikada kročila nogom na funkcije u ovom Kantonu. Pa ja ne mogu da vjerujem ljudi, je li vas imalo stid ovdje govorim, sada vas zastupnike, ovdje vas premijeru, vas jel' vas malo stid ove situacije ili ste se vi do te mjere u ovoj vašoj vlasti razbahatili da vas uopće ne interesuje kakve vi negativne posljedice u Kantonu Sarajevo pravite svojim ne djelovanjem? Čovjek ne zna šta je gore; kada vi nešto ne djelujete ili kada djelujete jer rezultat obično bude isti. Kada nešto radite, pokušavate da uradite, onda uprskate do te mjere da je bolje da niste ništa radili, a ako nešto ne radite, onda to dalje sve propadne. Znači, mi ovdje pričamo o 100 dana. 100 dana poslovnički je smjena ministra i imenovanja ministra, sada po vašim novim izmjenama Poslovnika 8 dana. 100 dana, vi nemate riješeno pitanje ministra u resoru gdje se nalazi komunalna privreda koja je u kolapsu u ovom momentu. Naravno, vi to možete kriti od građana, od ovih vaših medija koji neće objektivno da izvještavaju o stanju, ali znate premijeru i vi i svi ministri da vam je komunalna privreda na koljenima, prostorno planiranje, znate da nemate urbanističkog plana u Kantonu Sarajevu. Znači, znate da je potpuni zastoj, evo maloprije sam spominjao Zakon o prostornom uređenju. Znači, vi ste napravili generisali jedan potpuni kaos koji graniči sa ludošću. Nevjerovatna stvar je ovaj šta vi sebi ustvari dozvoljavate ovdje u Kantonu Sarajevo. Naravno, ja sam kao član Komisije za izbor i imenovanja prisustvovao na jednoj komisiji, gdje je komisija trebala da pokrene neki oblik suspenzije ministra da riješi njegov radno pravni status, jel u momentu kada se on nalazi u pritvoru. Je li vi dopredsjedavajući to namjerno kašljete ispred Naše stranke ili je to zaista?

Vibor Handžić (dopredsjedavajući)

Ajte vi na vašu diskusiju kolega, ne morate, ne gledajte vi na mene.

Mahir Dević (zastupnik)

Jel to ono pokušavate da me zbunite u diskusiji?

Vibor Handžić (dopredsjedavajući)

Ma naravno, jadni vi. Hajte vi nastavite.

Mahir Dević (zastupnik)

Želimo vam brzo ozdravljenje, možda vam tema ne odgovara jer je vaš ministar u pitanju, ali to je tako. Maloprije smo od šale kazali u hodniku znači vaših 50 % ministara je uhapšeno u Vladi Kantona Sarajevo. Nažalost, to je tako. Imali ste dva, jedan je uhapšen. Jel tako?

Vibor Handžić (dopredsjedavajući)

Možemo i brojati koliko je čijih, hajte izvolite. Nastavite. Izvolite.

Mahir Dević (zastupnik)

Dobro. Samo kad dođete u priliku da dobijete riječ, počeli ste se ponašati kao predsjedavajući Okerić.

Vibor Handžić (dopredsjedavajući)

Kolega Deviću, prozivate me što sam se nakašljao i trošite na to minutu vremena. Dakle, vi ste mene prvi prozvali, ja vam na to odgovaram, izvolite nastavite diskusiju. Dakle, u vašoj diskusiji vas nisam prekidao.

Mahir Dević (zastupnik)

Već treći put me prekidate. Dugo je trajalo to kašljanje pa sam pitao jel to radite namjerno? Dali ste mi odgovor, i onda ste me još dva puta iza toga prekinuli. Znači, na toj Komisiji za izbor i imenovanje je bilo pitanje da li ostaviti radno pravni status ministra dok se nešto ne riješi konačno, naravno, ja sam glasao protiv toga jer je za mene potpuno nenormalna stvar da to radi Komisija za izbore i imenovanje. Moj stav je bio da to treba da uradi Skupština, poštujući Zakon o radu, u smislu da treba omogućiti presumpciju nevinosti na neki način dok se ne riješi. Ali da nije tada neko kazao, da će od toga proći 3 mjeseca a da vi nećete razriješiti tog čovjeka, ja mu ne bi vjerovao, ali očigledno ste vi pravili ovdje ovaj neku dodatnu igru, jer ovdje su upleteni predsjednici dvije stranke iz parlamentarne većine ovdje u hapšenje ovog ministra, pa ste to posušili na način da ste taj predmet podigli na državno tužilaštvo. Mi smo u medijima čitali da je jedan od predsjednika ili predsjednik ovog ministra nudio i neka zaposlenja, u konkretnom slučaju ovaj da se riješi pitanje ovog predmeta ili veze što kažu sa ovim predmetom. Ali dobro, to je sada već malo odlazak s ove teme, ali je to ono što smo mi čitali u medijima. Očigledno je da ste vi ovdje išli na sljedeću opciju. Nadajući se jel da će vjerojatno ministar nakon 30 dana biti pušten pa će mu biti dozvoljen rad, pa se ja ne bih iznenadio da ste vi onda uveli novi jedan princip da kažete, ma dobro, nema veze, evo, on će sada ostati ministar, jel? Pa kada se nije to desilo, onda ste produžili, to još dodatno. Znači, meni kao zastupniku je potpuno nevjerovatna stvar, potpuno jedan neodgovoran, neozbiljan pristup da ovakvo ministarstvo nema ministra 100 dana. Pazite, 100 dana je neki limit po Izbornom zakonu gdje se na neki način ocjenjuje i da kažem rad načelnika, jel? Ne može se u tih prvih 100 dana pokrenuti inicijativa za smjenu, kao što je situacija da se da i ocjena rada neke Vlade nakon 100 dana. Naravno, vi ćete me sada reći, mi smo imali ministre. Vi ste imali tamo ljude koji su morali potpisati plaće i određene akte. Ostaviti ovaj resor u Kantonu Sarajevo 100 dana bez ministra, to je zaista nevjerovatno. I što još gora stvar, mi ni danas nemamo

odgovora na pitanje kad ćete imenovati ministra. Očigledno da to izgleda, nećete uraditi zajedno s Budžetom, koji bi trebao biti na dnevnom redu za nekih desetak dana. Tzn. da vi ulazite u četvrti mjesec bez ministra u ovom Ministarstvu. Gospodo, znači urušava se sve u ovom resoru, ja ne mogu da vjerujem da vi to ne vidite. Znači, to vidi svaki uposlenik u komunalnoj privredi. Svako ko imalo ima veze sa prostornim planiranjem u Kantonu Sarajevo. Kada vi ulazite u četvrti mjesec da ne dajete ime za ministra, to je jedan potpuno neozbiljan pristup. Ako takva Vlada treba da upravlja finansijski najstabilnijim kantonom, nekada je bio najstabilniji Kanton, sve dok vi niste došli i taj ste finansijski sektor uništili, onda ja ne znam šta drugi treba da očekuju od vas ovdje. Ili imate drugi problem, ne možete da nađete nikoga, da u vaše ime sjedne na tu poziciju, e ako ste došli u tu poziciju, onda bi vam bilo najbolje da kolektivno date ostavku i odete iz vlasti u KS. Znači nevjerovatna, nevjerovatna je stvar da već 4 mjeseca vi nemate ministra u Kantonu Sarajevo, ne ulazeći u krivnju ministra Bošnjaka. Ne znam zaista da li jeste, da li nije, poštovat ću ovaj pravo presumpcije nevinosti, neka sud to dokazuje, da li je on se ogriješio o zakon ili nije, ali funkcionalno biti u stanju da se odvažiti se 4 mjeseca da nemate ministra u takvo značajnom resoru, to je jedan neozbiljan pristup koji podrazumijeva da vi date kolektivnu ostavku i odete sa pozicije vlasti u KS. Hvala.

Elvedin Okerić (predsjedavajući)

Zastupnica Marijela Hašimbegović se izjavila za riječ. Oprostite, replika zastupnik Samir Avdić.

Samir Avdić (zastupnik)

Zahvaljujem predsjedavajući. Vrlo kratko ću, bez namjere da budem advokat Naše stranke, ali ipak mi je zaparalo uši isticanje nekih procenata, odnosno 50 % ministara Naše stranke je uhapšeno. Pa evo da podsjetim da je i cirka 33 % SDA-ovih načelnika u Kantonu Sarajevo uhapšeno. Zahvaljujem.

Elvedin Okerić (predsjedavajući)

Odgovor na repliku zastupnik Dević. Izvolite imate riječ.

Mahir Dević (zastupnik)

Možda bi se to moglo matematički tako kolega posmatrati, s tim da bi trebalo kazati da ima sad tu i miješanja. Međutim, tim načelnicima, oni su bili u SDP-u, ali eto ako ste me već pitali oko toga koja stranka ima najviše presuđenih kriminalaca u Federaciji Bosne i Hercegovine, to je SDP. Znači, izvucite statistiku, pogledajte, ovo ozbiljno govorim, govorim na bazi činjenica, izvucite statistiku i vidjet ćete da SDP ima najviše presuđenih kriminalaca. Ne, ne, vjerujte mi da je takva statistika, kada ste već to pitanje postavili. E sada po tim segmentima da li je više parlamentaraca, ministara, direktora, načelnika, odgovorno vam tvrdim da je to SDP. Evo, izvucite sve. Tražite taj podatak, vidjet ćete, ako to tako mjerite, onda ispada da ste ipak vi...

Elvedin Okerić (predsjedavajući)

Vrijeme kolega Deviću. Zastupnica Marijela Hašimbegović. Ne mogu vam dati ispravku krivog navoda na repliku. Izvolite zastupnice Hašimbegović.

Replika. Replicirate kolegi Deviću? Zastupnik Davor Čičić, izvolite imate riječ.

Davor Čičić (zastupnik)

Zahvaljujem. Pa ne ulazeći u ovo, vidim da kolega Dević prati svu tu statistiku, ali paušalno, naravno, Mislim teško je biti paušalno pratite te sve podatke i naravno da vam ne odgovara kad

kolega, kaže, ali ja mislim da je jako teško biti onaj u tom segmentu gori od vaše stranke, tako da mislim u kontekstu toga, mislim da nije ovo tema, od SDA, mislim vaše stranke, tako da mislim da ovo generalno nije tema ove tačke. Ali evo čisto kada ste već krenuli u tom smjeru, teško je biti gori. Eto, hvala.

Elvedin Okerić (predsjedavajući)

Kolega Dević, izvolite, imate riječi, replika kratka.

Mahir Dević (zastupnik)

Nisam imao ja namjeru da u ovom pravcu idemo, kolega Avdić je ovo pokrenuo u smislu čiste statistike. Znači, ja nisam ništa govorio mimo statistike. I ovo vam sada kolega Čičiću najozbiljnije govorim. Ako biste uzeli sve političke stranke, govorim, koje djeluju dominantno na prostor, evo konkretno Federacije Bosne i Hercegovine, pa ako po hoćete i Bosne, ali ovo govorim Federacije Bosne i Hercegovine ovdje, po broju pravosnažnih presuda SDP je lider tih procesa, zapamtite to, pogledajte malo medije, pogledajte statistike, vidjet ćete da je to tako. E sada nije to neki primjer gdje se treba takmičiti, ali vam je statistika takva. U ovom momentu u Kantonu Sarajevo vas dobro prati vaš koalicioni partner iz Naše stranke. Stanje u NP-u je gore dobro nego u Našoj stranci, ali on se dobro drže, imaju inspekciju, imaju tužilaštva, imaju ove sudove, oni bolje tu utiču od ovih iz Naše stranke, tako da na momente ispada da su ovi iz Naše stranke veći lopovi, a nije to baš tako, ali džaba je, mislim to se tako desi.

Elvedin Okerić (predsjedavajući)

Vrijeme kolega Deviću.

Zastupnik Faruk Selmanović, izvolite, imate riječ.

Faruk Selmanović (zastupnik)

Bila je kolegica prije.

Zahvaljujem predsjedavajući. Pa evo, obično imamo u nekim demokratskim društvima i u političkoj praksi imamo 100 dana rada Vlade, a sada imamo 100 dana ministra sa platom. Evo nećemo uopće ulaziti u to da li je ministar nevin ili nije, to neka odluče organi koji se tim bave. Međutim, evo, kad sad pričamo o smjeni, možemo hronološki poredati zbog čega je sve ministar trebao biti smijenjen. Pa da krenemo tako da nije za vrijeme njegovog mandata nije bilo poticaja za mlade za kupovinu stanova, iako je isto bilo obećano u programu Vlade. Problem grijanja u Vogošći, pa nakon grijanja u Vogošći, klizište u Starom Gradu, e onda dolazi i hapšenje. Naravno, ministar je uhapšen. Međutim, šta predstavlja osnovni problem? Predstavlja osnovni problem jeste 4 mjeseca sa platom ministra. Ministar Bošnjak je uhapšen 15. 11. 2024 godine i iz pritvora pušten 7.02.25 godine. Znači, što znači da je u pritvoru proveo 3 mjeseca i zato vrijeme je primao punu platu koju prima i danas, koliko ja imam informaciju. Sad šta je ovdje pitanje? Zašto premijer UK je tek 13.02.25 godine dostavio predsjedavajućem Skupštine prijedlog za smjenu ministra Bošnjaka, i to nakon rješenja Opštinskog suda u Sarajevu kojom mu se određuje mjere zabrane. Pa po ovim mjerama zabrane ja ne znam, ima li nešto da mu se nije zabranilo. Znači zabrana napuštanja boravišta, zabranama preuzimanja službenih dužnosti u Ministarstvu komunalne privrede, infrastrukture i prostornog uređenja, građenje i zaštitu okoliša Kantona Sarajevo, zabranu posjećivanja službenih prostorija Vlade Kantona Sarajevo, Ministarstva, Naše stranke, te zabrane međusobnog sastajanja sa bilo kojim zaposlenikom Ministarstva komunalne privrede i Naše stranke. Čovjek nije mogao da obavlja svoj posao. Zašto nije odmah kada je ministar Bošnjak uhapšen u skladu sa članom 205. a) Poslovnika kojim se utvrđuje odgovornost ministra, pokrenuta procedura za njegovu smjenu?

Napominjem da je navedenim članom propisano da je ministar odgovoran ako se u izvršavanju svojih ovlaštenja obaveza ne pridržava Ustava, zakona i drugih propisa i općih akata ili u okviru svojih nadležnosti osigurava provođenje zakona i drugih propisa i općih akata ili ako iz drugih razloga postane nedostupan za vršenje svojih funkcija. Kako je sud ovdje naložio, ministar nije dostupan za vršenje bilo kakve funkcije u Vladi, zgradi Vlade, pa čak mislim ni da priđe samoj zgradi Vlade. Zar samo hapšenje i određivanje pritvora i produživanje kasnije pritvora nije dovoljan razlog da postane nedostojan vršenja funkcije ministra. Nedostupan za vršenje funkcije ministara. On ne može da dođe na posao. Sada se postavlja pitanje zbog čega se toliko dugo čekalo? Koji su razlozi? E sad, kako je moguće da je za cijelo vrijeme ministar, dok je bio u pritvoru, primao puni iznos plate, kao da je na radnom mjestu, svaki dan osmica. Ko je potpisivao tu šiht listu? Kako je moguće da je neko potpisivao ših listu. Znači da je krivo potpisao. Ministar, na plati osmica, čovjek u zatvoru. Kada je izašao iz zatvora, sud mu zabranjuje da dolazi na posao, opet puna plata. Ja mislim, a radi se o ministarstvu koji je najvažniji resor u Vladi Kantona Sarajevo. Pazite, ovo ministarstvo same po sebi pokriva toliki resor da se bukvalno na osnovu rada ovoga ministarstva može ocijeniti koliko je ova Vlada uspješna ili nije uspješna. Pored svih ovih resora koji su zgurani u ovom Ministarstvu, jedan od najvažnijih je sama komunalna privreda, a pogledajte u kakvom nam se stanje nalazi komunalna privreda u Kantonu Sarajevo. To je upravo odraz odnosa Vlade prema ministarstvu, pa samog ministra prema Vladi. Pa takva je situacija da, evo, imate upravo informaciju da vam direktori bježe iz Kantonalnih preduzeća. U svojoj ostavci navode da je nemoguće raditi, da nema podrške Vlade, da nema podrške resornog ministarstva. Pa kako će biti kad resornog ministra i nema? Imali smo v.d. ministre koji već imaju svoja resore već imaju svoja zaduženja. I šta onda imate? Imate prije petnaestak dana podjelu sredstava za javna Kantonalna preduzeća kako bi proširili svoje djelatnosti, kako bi, naravno, unaprijedili svoj rad, što je za svaku pohvalu. I onda imate komunalno preduzeće RAD koji je u katastrofalnom stanju. Evo, svi smo ovdje, možemo da vidimo da se smeće ne odvozi, to preduzeće, umjesto da kupuje resurse koji su mu potrebne za dnevne operacije, kamione, kiperu, oni kupuju softver u vrijednosti od 400.000 konvertibilnih maraka. Naravno, jer nema ministra, jer Ministarstvo ne radi svoj posao da kažu čekajte, ljudi, što vi to radite? Smeće se ne odvozi, vojni park u kvaru, deponija Smiljevići u problemu, a komunalno poduzeće RAD će da čipuje kontejnere, da znamo gdje imamo smeća, nema veze što ga mi ne odvozimo, ali da mi znamo gdje nam se to smeće nalazi. Ovo je ministarstvo koje, evo, uz novog v.d. ministra, smatram da ga gurate i dalje u propast, da svo ovo vrijeme 100 dana, evo kako je ministar Bošnjak, da ne govorimo sve propuste koje je ministar Bošnjak imao prije, ali 100 dana, kako ministar Bošnjak nije tu da ova Vlada nije pronašla adekvatnu osobu, dovoljno sposobnu, podobnu, kako god hoćete, koja bi preuzela rad ovog ministarstva. Pazite, pod ovim ministarstvom su ključni resori koji su za život građana od krucijalnog značaja. Odvoz veća je nešto što nas sviju interesuje. Deponija Smiljevići je nešto što ćemo svi imati ekološku katastrofu, kompletno Sarajevo će ispaštati zbog toga. Voda, snadbijevanje vode, prostorno uređenje, plan prostornog uređenja, poticaj za mlade, kupovina stanova, sve ono što ide kroz ovo ministarstvo. Kako ova Vlada očekuje da se bilo šta od ovih ključnih pitanja može riješiti ako evo, za 100 dana niste u mogućnosti da imenujete ministra na poziciju ovakvo ključnog ministarstva.

Elvedin Okerić (predsjedavajući)

Vrijeme zastupniče Selmanoviću. Zastupnica Marijela Hašimbegović. Replika, replika dopredsjedavajući Vibor Handžić. Izvolite, imate riječ.

Vibor Handžić (dopredsjedavajući)

Zahvaljujem predsjedavajući. Replika kolegi Selmanoviću, a evo kratko i kolegi Deviću, zbog statistike kojom se on služi uporno. Želim da informišem da, što se tiče Naše stranke, ne postoji ni jedna osoba nikad koja je pravosnažno osuđena za bilo šta. Kada bude i ako bude onda možete da iznosite takve tvrdnje, u smislu tih procenata. Dakle, ministar Bošnjak tog čovjeka nije još nije ni podignuta optužnica, dakle čovjek je bio u pritvoru, sada više nije u pritvoru. S mjerama zabrane je. Taj proces teče i ja i mi, govorim u ime stranke, ne želim namjerno u javnosti ništa da komentarišem po tom pitanju zato što imaju institucije pravosudne, koje radi svoj posao i o tome ćemo govoriti kada se taj proces završi i okonča. Ja, naravno, imam svoje privatno mišljenje o tome, ali ga ne iznosim. Kolega Selmanoviću, to što Ministarstvo komunalne privrede nema ministra 100 dana jeste problem i ja tu kritiku što nismo imenovali drugog ministra prihvatam. Međutim, poslužite se skorijom istorijom bilo je i gorih slučajeva u Kantonu Sarajevo. Sjetite se da Ministarstvo zdravstva u vrijeme najjačeg udara korone u Kantonu Sarajevo nije imalo ministra puno duže od 100 dana. Tako da bilo je takvih problema i puno ranije i puno gorih nego što je trenutna situacija u Kantonu Sarajevo. Zahvaljujem.

Elvedin Okerić (predsjedavajući)

Odgovor na repliku zastupnik Selmanović.

Faruk Selmanović (zastupnik)

Zahvaljujem kolegi i evo, upravo mi je drago da kolege i prihvata ovaj dio odgovornosti za 100 dana. Međutim, ono što bi ja volio ovdje, evo da i kolegi i svim nama zastupnicima u Skupštini da ne trebamo da gledamo šta je bilo, mi smo ovdje da napravimo ono što treba sada bude. Ako je nešto i bilo, onda nije bilo dobro, ima ako je odgovoran za taj period, ali nemojte za sve ono što nije dobro, da sad, što se sada dešava, da kažemo pa znate šta, bilo je bilo i gore. Mi imamo odgovornost prema građanima Kantona Sarajevo u ovom mandatu, u ovom periodu i treba mi da budemo bolji svi od onih koji su bili prije nas, bez obzira iz koje stranke dolaze.

Elvedin Okerić (predsjedavajući)

Kratka replika kolegi Selmanoviću, a nadovezujući se na kolegu dopredsjedavajućeg Vibora Handžića. Da pojasnimo, ministar Mesihović u najtežem periodu korone je napustio iz svojih razloga poziciju ministra zdravstva u Kantonu Sarajevo i tek krajem godine, u 12. mjesecu je razriješen i imenovana je nova ministrica. Tako da prije nego što uprete prstom u nekoga drugog, tri prsta su uperena u vas, kolega Selmanoviću i kolege iz opozicije, ne navodimo primjere da bi ih vagali koji je gori od kojeg, već kada već želite da kritikujete, prvo pometite ispred svojih vrata, pa tek onda morališite drugima. A da je problem i da trebamo što prije imenovati ministra komunalne privrede. Više puta smo to javno kazali da je važno da funkcije ministra komunalne privrede obnaša ministar Šteta, da li će to u narednom periodu neko drugi kao v.d. obnašati, što znači da građani sistem neće biti ugrožen. To govori o odgovornosti prema građanima. A da trebamo imenovati ministra, naravno, što prije. Ja se iskreno nadam da u narednih evo da kažem petnaestak, 20 dana do Prijedloga budžeta, nadam se da ćemo imenovati i ministra ili ministricu komunalne privrede. Odgovor na repliku zastupnik Selmanović, izvolite, imate riječ?

Faruk Selmanović (zastupnik)

Zahvaljujem predsjedavajući, pa evo prvo, ova dva primjera su potpuno različita, ali zahvaljujem što ste ih napomenuli u oba primjera koliko se sjećam, vi ste bili akteri, bili ste ovdje u skupštinskoj klupi i kad je ovaj ministar podnio ostavku, a evo danas ste vi jedan od

najodgovornijih zašto nemamo ministra 100, 100 dana. Pa kada evo već pozivate da počisti svako ispred svojih vrata, ja onda pozivam vas da riješimo problem, ovaj evo zajedno, da riješimo problem gdje nemamo ministra 100 dana.

Elvedin Okerić (predsjedavajući)

U tom vremenu sam bio opozicija, ne pozicija, vi ste bili pozicija. Zastupnica Marijela Hašimbegović. Izvolite, imate riječ.

Marijela Hašimbegović (zastupnica)

Zahvaljujem se predsjedavajući. Mislim da smo sad već potpuno zrelo zaključili da je potpuno bilo suvislo zakazati ovu sjednicu u kontekstu smjene ministra Bošnjaka, a da zaista nemamo prijedlog za imenovanje novog ministra ovog najznačajnijeg sektora u Vladi Kantona Sarajevo. O tome su govorili i moj kolega Dević i kolega Selmanović i njihovu diskusiju u potpunosti podržavam, međutim htjela bih istaći činjenicu da pokušavamo naučiti neke stvari iz grešaka koje smo činili tako da želim reći da ministar Bošnjak, bez obzira što se sada pravosudne institucije utvrđuju, dakle, zaista da li tu postoji krivično djelo ili nešto drugo je u pitanju on to nije mogao sam iznjedriti, postoji ta ideja ljudi jedan mehanizam politika koji je skoncentrisan oko ovog ministarstva koji radi za privatne interese, a ne za javno dobro. Jer da podsjetim da ovaj sektor, dakle, vodi najznačajnija i vodi, trebalo bi da vodi brigu o najznačajnijim pitanjima koji se tiču zdravlja i sigurnosti naših građana, tako da podsjetim da pitanje evo zagađenosti zraka, gdje, evo, prednjačimo kao najzagađeniji grad u svijetu, su pitanja koja, evo i ova Skupština, ovaj saziv Skupštine je mogao donijeti, barem u promilima, određeni napredak. Međutim, bojim se da ćemo za ovu godinu i par mjeseci, koji su nam još ostali za vrijeme našeg skupštinskog mandata, da nećemo imati priliku da se pohvalimo u ovom segmentu da smo napravili bilo kakvo unapređenje, dakle ovaj segment se brine i o gradnji, brine se o kvaliteti naše pitke vode, o deponiji Smiljevići, o pitanju klizišta koji su trenutno alarmantna u Kantonu Sarajevo. I s tim u vezi ja mislim da nema mjesta ovdje političkom nadmetanju, nego ovdje samo moramo zajedno i pozicija i opozicija konačno osvijestiti da ovaj sektor mora početi raditi za javno dobro. Ja sam iskoristila svoje minute da skrenem pažnju upravo na ove stvari jer smatram da ministar Bošnjak uvažavajući evo njegovo i obrazovanje i činjenicu da je porodičan čovjek i iskreno mi je žao što se našao u ovakvoj situaciji ali sagledala bih to iz druge percepcije, gdje vidim puno opasniju politiku i ljude koji su oko njega, koji su ustvari instruirali ovakve aktivnosti. I s tim u vezi očekujem da će imenovanje novog ministra, za koje se nadam da će biti vrlo brzo, da će ipak donijeti jednu novu vrstu politike koju je, evo, nosilac opozicija, odnosno pozicija, a opozicija će biti zaista uvijek glas koji će se boriti za ono što je javno dobro. Mislim da ne trebamo trošiti svoje vrijeme da se, kao što sam rekla, politički nadmećemo. Mi ćemo svakako podržati smjenu ministra Bošnjaka i zaista pozivam i Vladu Kantona Sarajevo, koja je, evo, putem medija najavljivala i rekonstrukciju Vlade, međutim, koja se još uvijek nije desila. Ja želim reći javnosti i građanima koji nam stalno dostavljaju upite po ovim pitanjima, da i mi, evo posebno zastupnici iz opozicije su uglavnom informisani putem medija i zato, evo, ova Skupština, da kažem, potpuno neozbiljno sazvana jer razriješiti jednu osobu, a nema ti ime ko će voditi najznačajniji sektor je potpuno neprihvatljivo. Toliko. Hvala lijepo.

Elvedin Okerić (predsjedavajući)

Zastupnica Miomirka Melank se javila za riječ.

Miomirka Melank (zastupnica)

Zahvaljujem predsjedavajući. Ne odnosi se na moju prethodnu govornicu koja je razumno diskutovala o ovoj temi, ali slušati tirade o radu, odgovornosti i funkcionisanju Kantona od

istaknutih ličnosti stranke sa tolikim brojem afera, optuženih i osuđenih, bolno je i nenadano iskustvo za koji nisam vjerovala da se može desiti. Ali ovaj, iznenađenje je jedan od načina na koji univerzum funkcioniše. Ministar Bojan Bošnjak je pod istragom zbog sumnje na zloupotrebu položaja ili ovlaštenja, sumnjiči se da je dao pozitivno mišljenje na Izvještaj o strategijskoj procjeni utjecaja na životnu sredinu, čime je pokušao legalizirati nezakonito urbanističke projekte gradnje na Bjelašnici te time eventualno pogodio načelniku Ibri Berilu. Ovo je ono što znamo iz medija. Ja sam jednako zbunjena istragom i optužbama protiv Bošnjaka i njegovog delikta davanja mišljenja na Izvještaj, kao i građani koji nas prate i s pravom očekuju zakonit i transparentan rad od ljudi u vezi sa strankom koja se iznad svega ponosila i još uvijek se dići borbom protiv korupcije. Potpuno čiste savjesti, kao i većina građana Kantona Sarajevo, mi u Našoj je stranci želimo održivi razvoj zasnovan na zelenim politikama, poštovanju i zaštiti okoliša i sa velikim nestrpljenjem očekujem razrješenje ovog slučaja i skidanje ljage koja je nastala, a posebno onog momenta kada je sud odredio da se još uvijek neoptuženi, a uskoro i bivši ministar, ne smije približiti prostorijama stranke. Niti jedan drugi zaposlenik Naše stranke u dosadašnjem zvaničnom procesu nije doveden u vezi sa ovim slučajem niti postoji bilo kakvo uzročno posljedična veza koja dovodi u vezu uposlenike Naše stranke i osumnjičenog protiv kojeg nije još uvijek ni nema optužnice. Zašto se jedna politička partija uvodi u postupak bez navođenja i jednog konkretnog razloga zasad je tajna za koju se nadam da će tužilaštvo i sud, čiji rad nastojim da shvatim i podržava, razjasniti u bliskoj budućnosti. Ono što je dosad dostupno u javnosti, u ovom slučaju ne objašnjava razloge za osnovanu sumnju za djelo zloupotrebe koje je stavljeno na teret Bojanu Bošnjaku te očekujem da brzo i javnost dozna sve detalje i obrazloženja za postupanje nadležnih. Do tog časa mi ćemo postupiti u najboljem interesu javnosti, građana i građanki Kantona Sarajevo u namjeri da ne ugrozimo funkcionisanje Vlade i Ministarstva za komunalnu privredu, infrastrukturu, prostorno uređenje, građenje, zaštite okoliša i osumnjičenog ministra razriješiti jer su mu određene mjere zabrane obavljanja funkcije, iako optužnice još uvijek nema. Hvala.

Elvedin Okerić (predsjedavajući)

Replika zastupnik Muamer Bandić.

Muamer Bandić (zastupnik)

Zahvaljujem. Kolegice Melank, vi ste ovdje pročitali tačnu kvalifikaciju krivičnog djela i ulazili ste u neku možda nedozvoljenu, čak sferu da vi dajete sebi za pravo da u toku istrage i vođenja tog krivičnog postupka, dajete kvalifikaciju da li postoji osnova sumnje za određeno krivično djelo. Mislim da to ne treba da radite. Nisam htio da vas prekidam, pustio sam da završite svoju diskusiju, ali takvu vrstu diskusije mislim da čak nemate u ovoj fazi krivičnog postupka i da je zabranjeno da se miješa bilo ko od nas u takvu vrstu kvalifikacija. I ja smatram da je ovaj ministar Bošnjak jel treba poštovati presumpciju nevinosti i da ne trebamo da sad u ovom momentu dajemo osnov za njegovu smjenu. Jeste nedostojnost, koliko sam ja vidio za obavljanje ovih funkcije iz člana 205. a. I mi trebamo politički o tome da govorimo, a o ovim pravnim kvalifikacijama i činjenicama to treba, dakle, tužilaštvo da utvrdi i ne trebamo, čovjek ima svoju porodicu, ne trebamo da ga prozivamo, ni mi ni bilo ko drugi. Vidjet ćemo šta će se utvrditi, ustvari nakon ovog postupka, a vi ste, mislim, u ovoj mjeri prekršili Krivični zakon. Hvala.

Elvedin Okerić (predsjedavajući)

Zastupnik Jasmin Šaljić se javio za riječ.

Jasmin Šaljić (zastupnik)

Hvala predsjedavajući. Ja ću početi diskusiju sa uvodom premijera Uka, koji je hronološki predao kako se to desilo vezano za slučaj Bošnjak i na kraju se zahvalio ministru Bošnjaku. Ja ne znam samo zašto se premijer zahvalio ministru Bošnjaku, jel zato što je potpisao da se legalizuje bespravni objekti na Bjelašnici ili zato što je držao stanovnike Vogošće 40 dana bez grijanja, ili zato što je obmanuo mlade ljude koji su aplicirali za stambeno zbrinjavanje ili zato što nije proglasio epizodu upozorenja kada su bila najveća zagađenja u našem gradu, ministarstvo se nije oglasilo. Mogu da nabrajam koliko god hoćete. Za svako od ovih što sam nabrojao zaslužuje da se smijeni, za svaku ovu. Personalno, ja ne znam ko je ministar Bošnjak, znači ja ne mogu personalno da ulazim, mene on zanima samo u formi u kojoj obnaša dužnost u KS. Vidjelo se od starta kada je preuzeo dužnost da je nesiguran, vidjelo se prvi njegovi koraci. Neko od zastupnika je govorio, to je bilo klizište u Starom Grad na Curinim njivama, vidjeli su njegovi koraci i njegova saopštenja. Znači jedna nesigurnost. On je došao iz jedne male, lijepe sredine, govorili su to zastupnici, Vareša, u sredinu koju ne poznaje, ne poznaje ni plan, ni prostor, ni mentalitet. On se nije snašao. Ja lično mislim da je on možda i dobar čovjek, ja sada kažem personalno, ovo što govorim se ne odnosi ništa lično nemam protiv Bošnjaka. Često čujemo ovdje presumpciju krivice, presumpciju nevinosti, a ja stalno potenciram da postoji i presumpcija krivice, govorio sam to ovdje. Isto kao što je krivično djelo činjenje, krivično djelo je isto i ne činjenje, znači vi možete da izazovete, napravite štetu, pa vispren tužilac to kvalifikuje kao prikrivanje. Znači činjenje i ne činjenje je krivično djelo. I ovu persumpcija nevinosti, to sada nešto kao da se ne smije o tome da se govori, pa čekajte ljudi ima i percepcija krivice. Znači, ne mislite valjda da mi neko tek tako ovalike ovalika halabuka bila. Ja lično mislim da Bošnjak nema apsolutno nikakve veze sa ovim, sa ovom legalizacijom bespravnih objekata na Bjelašnici. Ne, ja lično, mislim da ovo nije iz njegove glave, on je to uradio, to ga je koštalo karijere i posla. Jel to znamo od ranijih ministara i oni su imali ovakve ponude pa su izbjegli da potpišu, da daju to pozitivno mišljenje. Bio je Hadžiahmetović, bio je Bećarević, bio je, ne mogu sada da sjetim, svi do jednog imali su pritisak da to potpišu, nisu ljudi to potpisali. Bošnjak je platio naivnosti svojom, vjerujte mi, ništa drugo nije u pitanju. Žao mi je što danas nismo imenovali ministra, značajna je ministarstvo. U šta god mi danas pogledamo, znači za građane je ovo možda najznačajnije ministarstvo, svako je važno jer su ovdje komunalnije i prostorni plan, uređenje, dozvole. Svi znamo, nije to neka tajna, da su nam komunalna preduzeća na koljenima nema i vjerujte mi, i ja više ih ne okrivljujem. Snalaze se kako znaju da mogu ih ve jedno po jedno nabrojati. Sve smo ih slušali prije mjesec i po dana ili dva. To je sve znači mak na konac, ali evo, danas vidite što znači kad nemate ministra, dali smo taj resor, umoli ste Štetu, a on već ima težak resor i ministarstvo saobraćaja je zahtjevan resor. Ljudi, morali smo danas imenovati čovjeka. Pa nije imao danas ko mi odgovori na pitanje, evo za ove po porodice poginulih pripadnika Armije, koji smo Kanton napravio finansirao, dao 102 stana, nije imao ko da mi odgovori do kad će plaćati komunalije po trostruko većim cijenama, ko da su poslovni prostori. A otprilike kad kontaktirate Vodovod, dakle, on će vam reći da su nedostajali neke odluke iz ovog ministarstva, koje pokriva i Fond za izgradnju stanova. Znači u tom lancu ovo je ključno ministarstvo. I ljudi gledaju sigurno Skupštinu, računaju da će ukinuti, da će neko se naći da odgovori. Niko. Premijer, kaže maloprije da će vidjeti o čemu se radi, hvala mu, pa da će obavijestiti. Hvala, završio sam.

Elvedin Okerić (predsjedavajući)

Zahvaljujem se zastupniku Šaljiću. Zastupnica Vedrana Vujović javila se za riječ.

Vedrana Vujović (zastupnica)

Zahvaljujem predsjedavajući. Pa evo, nakon 4 mjeseca od hapšenja i odnosno privođenja ministra komunalne privrede, prostornog uređenja, građenja, zaštite okoliša, infrastrukture, to sam zaboravila, mi danas raspravljamo o njegovoj smjeni. Razlog zašto sam ja na neki način i tražila da premijer Nihad Uk da neke uvodne napomene jeste upravo materijal koji smo mi dobili, koji jeste, ovaj stigao i od strane vas predsjedavajući, odnosno kao predsjednika Komisije za izbor i imenovanje, ali prvenstveno jer je prijedlog za smjenu ministra upućen od strane premijera dana 13. 2. 2025. godine. E sad malo o ovom materijalu. Dakle, u obrazloženju prijedloga za smjenu kaže se da je dana 07.02.2025. godine, Općinski sud u Sarajevu donio rješenje, broj taj i taj, kojim su ministru Bojanu Bošnjaku određene mjere zabrane preduzimanja službenih dužnosti, zabrane posjećivanja određenih mjesta i mjera zabrane sastajanja sa određenim licima. S obzirom da smo mi u medijima vidjeli koja su tu određena mjesta i koji su tu određeni ljudi te se, te ću ja to da i pročitam: "Predložene su mjere zabrane napuštanja boravišta, preduzimanja službenih dužnosti u resornom Ministarstvu, zabrana posjećivanja službenih prostorija Vlade Kantona Sarajevo, kao i sastajanja sa Ibrom Berilom, Nađom Milišić i Adisom Mulaosmanović i bilo kojim zaposlenikom Ministarstva komunalne privrede, te članovima Naše stranke". Dakle, to su mediji prenijeli, ja pretpostavljam da to piše i u ovom rješenju suda, koji nije sastavni dio tako reći apsolutno nije dobro obrazloženje u ovom materijalu koji ste vi dostavili. Dalje, hronološki kako je sve ovo išlo, a čini mi se da smo malo zaboravili. Dakle, 15. novembra je ministar Bošnjak priveden pod istragom Kantonalnog tužilaštva zbog sumnje na počinjenje krivičnog djela zloupotreba položaja ili ovlaštenja. Isti taj dan, 15. novembra je Vlada Kantona Sarajevo se oglasila i rekla da vjeruje u presumpciju nevinosti i podržava, i ja se apsolutno slažem s tim te da na neki način pružaju podršku ministru Bojanu Bošnjaku i to je jako lijepo zato što je to njihov radni kolega, dio koalicije i to je jedan vid podrške, što je svakako na neki način bilo ohrabrujuće. No, međutim, 13. decembra, kada je produžen pritvor ministru Bošnjaku, onda se oglasila Naša stranka i poslala medijima dopis kako izvještavati o uhapšenom ministru Bošnjaku. Oni su tada rekli da je svrha obraćanja vlasnicima medija, urednicima i novinarima afirmacija poštivanja pretpostavki nevinosti Bojana Bošnjaka i odgovoran odnos prema procedurama i procesima koje vode nadležne pravosudne institucije, zbog čega želimo pozvati na odgovorno i tačno i nepristrasno izvještavanje i to je izazvalo buru u javnosti, naročito u društvu novinara koji su osudili svojevrсни pritisak na novinare i medije koje je demonstrirala Naša stranka, dostavljajući im uputstva kako treba biti izvještavanje o slučaju ministra, o slučaju hapšenja njihovog kadra, kantonalnog ministra. 7. 2. o.g, je Bojan Bošnjak pušten iz pritvora iz KP Zavoda Zenica i Tužilaštvo Kantona Sarajevo umjesto pritvora predložilo mjere zabrane koje sam maloprije i pročitala. Nekoliko dana nakon toga stigao je ovaj materijal tačnije, upućen od strane premijera prema Vladi, to je 13. februar i danas tek 14. februara mi raspravljamo o njegovoj smjeni, marta, pardon. I ono što je možda najveći problem u svemu ovome, a mi smo prethodnih mjeseci i od strane i pozicije i opozicije vrlo često diskutovali o Ministarstvu komunalne privrede kao jednom resoru sa najviše problema. Najviše problema koje građani direktno osjećaju kada je u pitanju Javno preduzeće Vodovod i kanalizacija, Toplane, snabdijevanje gasom i plinom, koji je možda ne direktno, ali indirektno je nadležnost tog resora kada su u pitanju građani Vogošće. Dakle, mnogo je problema svakodnevnih u upravljanju javnih poduzećima u resoru komunalne privrede, ali isto tako to preduzeće, taj resor je već na neki način 4 mjeseca djelomično obezglavljen, možemo reći, kolege su govorile, mislim da je to vrlo dobro istaći da je ministar saobraćaja preuzeo jedan kraći vremenski period i taj resor i mislim da je to bio dobar potez od strane resornog ministra i svaka mu čast, na tome, no međutim, to nije način i to nije rješenje. Ministra i dalje nema, vi ste kao Vlada Kantona Sarajevo, ja moram to reći, a vrlo često se taj izraz koristi ovdje u Skupštini, dezavuisali javnost, na neki način, jer se protekla 4 mjeseca, odnosno evo možemo reći i 3, govorili o tome

kako će ići jedna rekonstrukcija Vlade, da, ne trebamo se apsolutno sekirati, da bez obzira što je ministar u pritvoru, da stvari idu kako trebaju i da se stvari odvijaju i radi se i to je svaka čast, nemam riječi. No, međutim, vi ste 4 mjeseca potrošili ministar, evo, kolege su spominjale i dalje primao platu iako nije dolazio na posao. Izrečene su mjere zabrane, da ne smije prići zgradi Kantona Sarajevo i vi ste čekali tek mjere zabrane suda da bi mogli eventualno uputiti ovaj materijal, a prijedlog za njegovu smjenu, odnosno njegovo razrješenje prema Skupštini Kantona Sarajevo. Ja smatram da je to vrlo neodgovorno na neki način i da ne koristim neku možda oštriju riječ. Građani su svjesni toga u kakvom je situaciji i stanju Kanton Sarajevo po pitanju evo samo komunalne privrede i građenja i zaštite okoliša, infrastrukture, tako da tu ne treba puno polemisati. Ali velika. Veliku ste pokazali neodgovornost prema građanima, prema, na kraju krajeva, i tom ministru kojem ste najprije pružili podršku, evo, sad ga puštate niz vodu i možda najviše od svega, dezavuisali ste javnost u smislu da mi 4 mjeseca nemamo rukovodstvo, adekvatno rukovođenje tim resorom, a istovremeno nemamo ni prijedlog Budžeta. Ja mislim da su te dvije stvari vrlo povezane jer ste vi bili ti koji ste govorili da će prvo ići rekonstrukcija Vlade Kantona, pa onda prijedlog budžeta. Pa sada, evo, ne znate ni sami šta ćete. Pa evo ja ću sada da iznesem jedan prijedlog da umjesto ministra Bošnjaka kojeg danas smjenjujemo, da vi predložite onog starog ministra komunalne privrede, a to je bio gospodin Srđan Mandić, jer gospodin Srđan Mandić, kao aktivni načelnik Općine Centar u drugom mandatu utiska sam da nije u stanju adekvatno voditi Općinu Centar, ali isto tako da evo, nije u stanju ni ispuniti predizborna obećanja koja je dao, a to je evo konkretno ovo zadnje aktualno, da stadion Koševo stavi u punu funkciju, puni kapacitet. Toliko. Hvala lijepo.

Elvedin Okerić (predsjedavajući)

Za riječ se javio zastupnik Muamer Bandić.

Muamer Bandić (zastupnik)

Zahvaljujem se. Ako mogu samo malo da dobijem tišine, predsjedavajući. Dakle, kada govorimo o smjeni ministra Bošnjaka, ovdje isključivu odgovornost trebamo, dakle, sa njegove smjene da prebacimo na premijera i na Vladu, premijer je neko ko pokreće inicijativu i koji upućuje prema predsjedavajućem a predsjedavajući i prema Komisiji za izbor i imenovanja. Iz ovog materijala kojeg mi vidimo ustvari vidimo da premijer pokreće inicijativu iz kojih razloga, odnosno premijer, premijer je pokrenuo inicijativu iz kojih razloga? Kako je on to naveo iz članak 205. stav a) jel tako premijeru? Dakle ministar je u ovom slučaju nedostojan obavljanja ove funkcije. Zaista trebamo ograditi tog čovjeka, bilo kakvih drugi odgovornosti. Dakle, presumpcija nevinosti se mora poštovati, iako ta presumpcija nevinost ima dva instituta, apsolutna ili presumptivna nevinost. Presumptivna nevinost u slučaju u kojem mi možemo posmatrati ministra Bošnjaka podrazumijeva da je protiv njega pokrenuta istraga i u takvim slučajevima on ne može dobiti uvjerenje o nevođenju krivičnog postupka za razliku od građana koji nemaju takvu vrstu, koji imaju apsolutnu nevinost. U tom smislu, ukoliko vam je za neki organ potrebno uvjerenje o nevođenju krivičnog postupka, vi, dakle, već ne ispunjavate uslove. To je bio razlog zbog čega je trebao premijer da pokrene inicijativu za smjenu ministra Bošnjaka. Zašto on to nije uradio to sada trebamo staviti njemu na teret, a ministra Bošnjaka trebamo ostaviti po strani. Kada mi govorimo konkretno, zašto je ministar Bošnjak imao platu? On je u radnom odnosu, ima rješenje, jel tako o imenovanju? Ne možemo to stavljati na teret ministru Bošnjaku niti ministru financija koju mu je isplaćivao platu, dakle, to je odgovornost premijera, nije pokrenuo proceduru na vrijeme, ova Skupština nije razriješila i odnosno oduzela pravni osnov za primanje plate. E sad, postavlja se pitanje premijerove političke odgovornosti, naravno, tu ne govorim o krivičnoj odgovornosti, postavlja se pitanje odgovornosti premijera,

političke odgovornosti jer se radi o jednom jako složenom resoru i vidjeli smo, dakle, da zaista obim poslova i složenosti tih poslova je u tom ministarstvu jako veliki i vidjeli smo u stvari da sam ministar određenu vrstu aktivnosti nije realizirao, pa kada je došao ministar v.d. Jel, kako je već nazvan taj institut, ministar Šteta, riješio je određenu vrstu potreba mladih ljudi, što mi trebamo da pozdravimo. E sad, mi u tom kontekstu, ukoliko pogledamo rad ovog ministra, mi možemo da ga kritikujemo sa te strane da njegov rad nije bio produktivan. Kada govorimo o ovom dijelu koji se njemu stavlja na teret, ovaj ministar je ovdje obična kolateralna šteta, da se razumijemo, ovdje se radi o jednom udruženom činjenju krivičnih djela, a ne samo ove Naše stranke. Naša stranka je možda predvodnik, ali većine stranaka koja na neki način participira u dobijanju jednog ovakvog akta za koji evo se ministar Bošnjaka procesuirao. Ja bih zaista skrenuo svim kolegama pažnju, svi možemo biti sutra predmet nekog procesuiranja i nije dobro da jedni druge na neki način napadamo, to gledaju i pored toga što građani gledaju, gledaju i članovi naših porodica, zaista nije to dobro, da na neki način ljude presuđujemo. Evo sutra, ukoliko se desi da ministar Bošnjak bude osuđen, mi smo njega stavili, bude oslobođena optužbi, stavili smo ga na stub srama. Kako ćemo mi njemu nadoknadi bilo kakvu vrstu štete i njegovoj porodici ukoliko je pretrpio, a sigurno da je sada trpi. Nikom od nas nije baš jednostavno da nas prozivaju za nešto za što ustvari ne znamo kako će se okončati. Mi trebamo da kritikujemo politike. Ovdje je odgovoran, dakle isključivo premijer Vlade Kantona Sarajevo gospodin Uk jer je trebao pokrenuti proceduru kada već posmatramo presumpciju nevinosti, kako sam to već rekao, on je imao dovoljno osnova da pokrene inicijativu za njegovu smjenu i da u stvari skratimo sve ovo što se desilo i ministru samom Bošnjaku, dakle, ovo prozivanje, i na neki način da građanima Kantona Sarajevo imamo na pravovremeno imenovano novog ministra koji bi ustvari obavljao sve one poslove koje ministar Bošnjak u prethodnom periodu dok je odsutan nije mogao. Ja bih zaista pohvalio rad ovog ministra Štete. On je jednu vrstu aktivnosti za koju smo se mi svi ovdje bili zauzeli, a koja se odnosi na realizaciju sredstava mladima prilikom rješavanja, odnosno zbrinjavanja, rješavanja stambenog pitanja. Ja sam nekoliko puta bio sa tim mladima i kod ministra Bošnjaka, ne nekoliko puta, ustvari, jednom sam bio sa mladima, čini mi se da sam jednom bio sam. On ustvari u tom vremenskom periodu bio potpuno izgubljen i nije znao na koji način odgovori mladima, da li ima osnov, da li nema osnov jer se radilo o neki 100 mladih, ustvari koji nisu po njegovom kazivanju, nisu, dakle, na vrijeme dostavili kompletnu dokumentaciju. E vidite, sad se postavlja pitanje, ukoliko oni nisu dostavili kompletnu dokumentaciju, kako je onda ministar Šteta mogao to isplatiti? Ili dakle ministar Bošnjak nije imao valjane informacije ili nije znao u kojem pravcu se taj postupak treba okončati ili je ministar Šteta prekoračio ovlasti? Okolnost da smo mi donijeli ovdje Zaključak da se isplati tim ljudima ovaj novac dakle, sasvim je evidentno da je osnov za isplatu tog novca pravni našao ministar Šteta u zaključku, čini mi se da je to pokrenuo, ne znam neko od kojega iz pozicije i mi smo svi glasali za to. Jedan dio sredstava koji im je također obećan, a koji nije ispoštovan, oni su meni rekli da su tražili mogućnost isplate tog dijela novca, izostalog u nekim drugim institucijama van Kantona Sarajevo i ja sam s tom informacijom bio frapiran, da neko ko ustvari ne sudjeluje uopće u radu Vlade Kantona Sarajevo ili u Skupštini Kantona Sarajevo, dakle, ima mogućnost uticaja na isplatu tih sredstava. Zbog čega ovo govorim? Dakle, sasvim je evidentno da politike se usmjeravaju iz nekih drugih krugova, pa tako trebamo da posmatramo sam postupak ministra Bošnjaka. Dakle, ministar Bošnjak je ovdje jako kratko bio i da on napravi neko krivično djelo za tako kratko vrijeme, može samo iz svog neznanja ili iz neke direktne instrukcije koja je ustvari dolazila iz nekog kruga ili iz više tih krugova, kako bi neka aktivnost koja nije zanimljiva samo baš i Našoj stranci, ima tu mnogo interesanata, dobila epilog koji je dobila. Ja dakle, želim da kažem ovoj skupštinskoj većini da u što kraćem roku treba da nam predložite novo ime za ministra komunalne privrede. Zaista je to jedno kompleksno ministarstvo i mladi očekuju realizaciju onoga što smo im obećali. A što smo čak donijeli kroz svoj zaključak, ja bih zaista zamolio ovu Skupštinu da ne

donosimo zaključke koji ne možemo realizirati. Opravdanje ministra Bošnjaka tom prilikom je bio potpuno neprihvatljivo, on je to iznio na Vladu, tako je rečeno meni i ustvari Vlada je utvrdila da nema novca i onda dođe i ministar Šteta i demantuje i njega i Vladu i nađe novac. Dakle, ako mogu, ukoliko mogu da završim. Dakle, sasvim je evidentno, dakle, da određeni zaključci, čak i pozicije u jednom momentu se, dakle, ne provode. Koja je svrha u stvari da Skupština pokreće određene inicijative i da donosimo zaključke ukoliko ih Vlada neće realizirati? Ukoliko su za to potrebna sredstva, mi svi znamo da takva vrsta inicijative mora dobiti saglasnost Vlade. Dakle, takva vrsta inicijative je bila, pretpostavljam, na Vladi, Vlada je vjerovatno dala saglasnost čim smo mogli da glasamo za takvu vrstu inicijative i da donesemo zaključak. Dakle, postoji jako velik broj problema u ovom ministarstvu, jako je hitno da se imenuje ministar u ovom resoru i iz tih razloga, evo, ja predlažem Skupštini da u što kraćoj proceduri pokrene inicijativu da imenujemo novog ministra komunalne privrede, mi ćemo prihvatiti ovaj prijedlog za smjenu. I zaista, evo, ukoliko smo prekoračili neki svoje i ljudske i poslovničke ovlasti, ukoliko smo ipak ovog ministra Bošnjaka doveli u neku situaciju da ispašta i on i njegova porodica, evo, ja bih se zaista izvinuo. Hvala.

Elvedin Okerić (predsjedavajući)

Zahvaljujem se zastupniku Bandiću. Za riječ javio zastupnik Mahir Dević. Pretpostavljam, ispravka krivog navoda ili replika, nema. Ispravka krivog navoda, imate i repliku.

Mahir Dević (zastupnik)

Može replika. Ne bih se složio sa ovim dijelom diskusije kolege Bandića, gdje on nama govori o formalnoj odgovornosti premijera. Ja se s tim mogu složiti. Kada bi mi sada uzeli to da pogledamo, onda kažemo premijer je najodgovorniji, međutim vi uporno zanemarujete činjenicu da je ova Vlada podijeljena stranačkim interesima. Znači uopće nije Vlada građana, već Vlada stranaka. E sad u toj Vladi stranaka, postoje ministri koji se više pikaju, postoje ministri koji se manje pikaju, kolega Bandiću i onda kad neki ministar dođe desi se ova situacija da jedan ministar ne može da isplati stanove za mlade, dođe drugi ministar i u roku 5 dana to isplati. Znači stvar je tih centara moći ko je jači unutar te Vlade i zato mi imamo ovu situaciju pranja biografije ovog ministra kojeg danas smjenjujemo, pazite. Neodgovoran je pristup da to traje četiri mjeseca. Ne želim ja da, evo, slažem se s vama, ne treba valjati nikoga u blatu, ali nakon što je prošlo 30 dana i čim je pritvor produžen dalje od 30 dana, da je ovo ozbiljna parlamentarna većina, da nije upravo napravljeno od ovih interesnih grupa stranačkih, ona bi odmah imenovala novog ministra a ne bi mi danas slušali priču da se porede, ne znam neke dvije stvari, pitanje ministra Mesihovića i ovog, dvije stvari koje su potpuno neuporedive, znate. Vamo je ostavka kao neki lični čin, s druge strane, vamo imate hapšenje i to sada te neke dvije situacije porediti, vamo je princip neodgovornosti, a vamo princip što kažu odgovornosti upitan u svemu. Taj segment i ta priča da ovo traje četiri mjeseca najbolje oslikava svu neodgovornost, podijeljenost i način funkcionisanja ove vlasti u Kantonu Sarajevo, zbog toga trpe građani, zbog toga imamo sve ove probleme koje imamo, nagomilane, koji se dalje nagomilaju i zato se ništa u tom segmentu komunalne privrede prostornog uređenja ne popravljaju. Evo, maloprije smo spomenuli taj Zakon o prostornom kojeg čekamo 6 godina i evo ponovo smo dobili obećanje. Hvala.

Elvedin Okerić (predsjedavajući)

Odgovor na repliku, zastupnik Muamer Bandić.

Muamer Bandić (zastupnik)

Zahvaljujem. Kolega Deviću, ja sam i rekao ustvari da postoji odgovornost premijera i tačno sam podijelio te institute iz kojih možete da izvučete pravni osnov njegove odgovornosti. Dakle, ukoliko to posmatramo kao dakle apsolutnu nevinost, apsolutno nevin nije, dakle, bio ministar Bošnjak, jer se protiv njega vodila istraga, dakle, on je presumptivno nevin, jel i u tom kontekstu, dakle, premijer je imao odmah mogućnost prilikom određivanja mjere pritvora da pokrene ovu proceduru njegove smjene i trebao je da pokrene. Okolnost da to nije uradio, ja sam i rekao da je to njegova odgovornost. Kada govorite o radu Vlade, nekoherentnom radu Vlade ili postojanje unutar toga centara moći, ja zaista u to ne bih se sada upuštao, to je jedna politička teza koju mi ćemo razrađivati u nekom drugom, na nekoj drugoj tački, sada u ovoj ne bih. Da li ovo što ste vi rekli ima smisla, ukazuje da ima smisla, da je ministar Šteta imao dovoljno snage i argumenata da pronađe ova sredstva u odnosu na ministra Bošnjaka. To ustvari...

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

Evo samo da završim rečenicu, jel mogu? Dakle to u stvari ukazuje, kao što sam rekao, da je ministar Bošnjak bio jedna kolateralna šteta u svemu tome i dakle, da taj potpis koji je neko trebao da uradi, čekalo se da se pronađe neko ko će to uraditi. Iz onoga što sam ja u stvari vidio, moja pretpostavka jeste da je on u stvari u nekom narednom periodu neki saradnik i da će se istraga voditi o možda mnogo većim ozbiljnijim igračima. Hvala.

Elvedin Okerić (predsjedavajući)

Zastupnik Davor Čičić.

Davor Čičić (zastupnik)

Replika kolegi Bandiću. Ma čisto, evo u svakom slučaju bih pohvalio kolegu Bandića, na ovaj način i ja smatram da ovu njegovu diskusiju, na način da ne trebamo sada ovdje dodatno na neki način razapinjati ministra Bošnjaka. Naravno, istraga traje, istraga će pokazati šta treba da pokaže, bit će podignuta optužnica ili neće, bit će presuđen ili neće, to je druga stvar. Ja sam se samo nadovezao na jednu stvar pošto, evo se često kroz diskusiju, ne samo kolege Bandića, mada sam ja shvatio da on nije nešto osporio to, ali kroz diskusije drugih kolega se potegla činjenica isplate plate ministru Bošnjaku za ovaj period koji u biti nije bio tu, ni obnašao funkciju na svom radnom mjestu. Moram napomenuti da je to sve definisano zakonima, ali evo, često se i u javnosti spinuje informacija da on prima platu, da tako kažem, nezakonito, zato ću spomenuti par članova zakona koji to regulišu da čisto zbog javnosti to bude malo jasnije. Znači imamo Zakon o radno-pravnom statusu članova Vlade Kantona Sarajevo i u članovima 2. I 10. su definisane te stvari. Znači u članu 2 da prava i obaveze koje se odnose na radno pravni status članova Vlade koja nisu uređene ovim Zakonom primjenjuju se propisi koji se uređuju prava državnih službenika u organima državne službe u Federaciji, Kantona Sarajevo, kao i opći propisi o radu kolektivni ugovori. U članu 10 se navodi da o pojedinim pravima članova Vlade i članova Vlade Kantona, utvrđenih ovim zakonima i drugim aktima, odlučuje rješenjem komisija, a to se, mislim na komisiju za izbor imenovanja, i dalje se veže na član 61. Zakona o državnoj službi, gdje jasno je navedeno da preventivna suspenzija po osnovu krivičnog postupka, ako se protiv državnog službenika pokrene krivični postupak rukovodioc organa državne službe dužan je državnog službenika odmah suspendovati u slučaju

kad se: pod a) protiv državnog službenika pokrene krivični postupak za krivično djelo počinjeno u obavljanju službene dužnosti i kada državni službenik se nalazi u pritvoru, a u stavu 3) ovog člana Zakona 61. o državnoj službi stoji da u slučaju preventivne suspenzije, koja je u ovom slučaju bila, državni službenik koji je suspendovan, prima puni iznos plaće. Znači, mogao bi se ja slagati ili ne s ovim da li neko ko nije na radnom mjestu treba primati iznos plaće. Ja možda smatram da i ne bi trebao, ali da nije postupljeno tako, bili bi prekršeni ovi članovi važećeg Zakona o državnoj službi u Kantonu Sarajevo. Ista stvar, evo, mislim, s obzirom da još nije podignuta ni optužnica, može se posmatrati s neke moralne strane, da li bismo mi, da nismo isplaćivali, isplaćivali plaću, da nismo poštovali ove članove zakona, onaj u slučaju da npr. ne bi bila podignuta optužnica ili da bi ministar Bošnjak bio oslobođen od optužnice, da li bismo i prema njemu u tom slučaju napravili nepravdu da mu nisu isplaćivali tu plaću? Ali evo, kažem o svim ovim članovima zakona, komisija bi, ne bi, da tako kažem, ispoštovala zakon da nije donijela preventivnu suspenziju kako je donijela. Hvala.

Elvedin Okerić (predsjedavajući)

Odgovor na repliku zastupnik Bandić. Uključite zastupnika Bandića. Odgovor na repliku.

Muamer Bandić (zastupnik)

Hvala, dobio sam priliku. Evo samo kratko kolegi Čičiću. Kolega Čičiću, dakle, ja se slažem s vama samo u jednom dijelu vaše diskusije, odnosno odgovora na repliku. Okolnost, dakle, da osoba kojoj je određen pritvor ili izrečena neka od mjera ne može izvaditi uvjerenje o nevođenju krivičnog postupka, što treba biti preduslov za obavljanje određenih funkcija, jeste u stvari razlog za pokretanje procedure i smjenu ministra protiv kojeg se vodi istraga i u tom kontekstu, dakle, on dok je dobijao dok ima zasnovan radno pravni status, on može da dobiva platu, međutim njegov radno- pravni status je premijer mogao prekinuti znatno ranije. I ovdje se radi o imenovanoj osobi, a ne o državnim službenicima. Mi imamo državne službenike protiv kojih se vodila istraga godinama i sudilo, pa su dobivali platu ne znam već godinama. I to je na zakonu zasnovano i utemeljeno, okolnosti da je njegovo imenovanje ovisilo i smjena isključivo o volji premijera, dakle, ne bi trebali tu vrstu odgovornosti, političke odgovornosti...

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

..da sada otklonimo od premijera Uka. Hvala.

Elvedin Okerić (predsjedavajući)

Zaključujem raspravu.

Prelazimo na tačku tri.

AD- 3.

**PRIJEDLOG ODLUKE O IMENOVANJU PRAVOBRANIOCA
PRAVOBRANILAŠTVA KANTONA SARAJEVA**

Spojit ćemo i ovu tačku pa ćemo onda zajedno sve poslije džume.

U skladu sa članom 94. Poslovnika Skupštine Kantona Sarajevo predlažem da se o ovoj tački izjasnimo odmah. Molim zastupnike da se izjasne da li su saglasni, da se izjašnjenje o prvoj tački provede odmah?

Zaključujem glasanje, molim službu da objavi rezultate glasanja. Za glasao 20 zastupnika, protiv i suzdržanih nije bilo. Konstatujem da je Skupština prihvatila da se izjašnjenje po ovoj tački provede odmah.

Molim zastupnike da se izjasne o Prijedlogu odluke o potvrđivanju smjene ministra u Vladi Kantona Sarajevo.

Zaključujem glasanje. Za je glasao 21 zastupnik, protiv i suzdržanih nije bilo.

Konstatujem da je Skupština donijela ovu odluku.

Pauza do 1 sat, jel OK?

Još jednu tačku imamo pravobranilac.

Puno nam je to do pola dva, Muamere.

Dobro. Prijedlog odluke. Poslovnička, poslovnička zastupnik Muamer Bandić.

Muamer Bandić (zastupnik)

Ispred Kluba Stranke za Bosnu i Hercegovinu tražimo pauzu za džumu. Nije to baš tako ova tačka dnevnog reda, naredna, jednostavna, kao što ste vi rekli, tako da želim da to ostavimo poslije džume. Hvala.

Elvedin Okerić (predsjedavajući)

Zajedno ispred Kluba NIP-a i Stranke za BiH tražimo pauzu za džumu, ne možete vi sami tražiti kolege Bandiću. Hvala.

Pauza do 1 sat.

Zamolio bih vas kolega Bandiću da se izjasnite, to nije dovoljno. Zamolio bih službu da pripremi anketu za izjašnjenje. Pauza do 1 sat. Dajte, molim vas, glasajte, nemamo dovoljno izjašnjenih, nema dovoljno, daj glasajte. I na zahtjev Kluba SDA zamolio bih da se i vi izjasnite pauza za džumu, kolege. Zaključujem glasanje. Za je glasalo 18, protiv 4, suzdržanih ništa.

Konstatujem da je Skupština prihvatila prijedlog za pauzu sat i 15 minuta.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo,

Tačka tri.

AD- 3.

PRIJEDLOG ODLUKE O IMENOVANJU PRAVOBRANIOCA PRAVOBRANIŠTVA KANTONA SARAJEVO

Materijal ste dobili uz poziv za sjednicu. U svojsku predsjedavajućeg Komisije za izbor, imenovanje i administrativna pitanja Skupštine Kantona Sarajevo ukratko ću dati uvodne napomene. Komisija za izbor, imenovanja i administrativna pitanja u skladu sa članom 8.

L/K

Zakona o ministarskim, vladinim i drugim imenovanjima, Federacija Bosne i Hercegovine objavila je javni glas za imenovanje pravobranioca Pravobranilaštva Kantona Sarajevo, imenovala Komisiju za provođenje javnog oglasa koja je provela proceduru izbora kandidata, sačinila izvještaj o provedenoj proceduri, te utvrdila Prijedlog rang liste kandidata za imenovanje na upražnjenu poziciju. Shodno navedenom, u skladu sa članom 37. Poslovnika Skupštine Kantona Sarajevo, Komisija za izbor, imenovanja i administrativna pitanja Skupštine Kantona Sarajevo na sjednici održanoj dana 27.02.2025. godine, utvrdila je Prijedlog odluke o imenovanju pravobranioca Pravobranilaštva Kantona Sarajevo, koji vam je uz kompletnu dokumentaciju dostavljen na razmatranje i donošenje.

Otvaram raspravu.

Zastupnica Marijela Hašimbegović. Izvolite, imate riječ.

Marijela Hašimbegović (zastupnica)

Zahvaljujem se predsjedavajući. Ovom prilikom želim reći da sam vrlo nezadovoljna materijalom kojeg ste nam dostavili jer u materijalu nemamo prevashodno proceduralno način kako je Komisija radila, to jeste da li je bilo nekih žalbi po pitanju rješenja od strane drugih kandidata, a ujedno nemamo, ja nisam vidjela u materijalu, aha dobro, ali nemamo dostavljen CV osobe koju ste izabrali. Tako da smatram potpuno, na neki način neozbiljno, da raspravljamo o nečemu na povjerenje Komisije koja je donijela odluku. Dakle, mogli ste barem dostaviti CV predloženog kandidata kako bi i mi izvršili uvid o njegovim kompetencijama i kvalitetima. Hvala lijepa.

Elvedin Okerić (predsjedavajući)

Zastupnik Mahir Dević.

Mahir Dević (zastupnik)

Ja nisam bio na ovoj Komisiji za izbor imenovanja kada ste odlučivali o ovome, jel tako? To je bilo prošle sedmice nekad ili ranije. Pošto sam član Komisije, a nisam bio, tako da oko ovog proceduralnog djela ne znam, ali otprilike ovo mi nekako se miriše da je NiP malo ovdje prste upleo, ustvari nije malo, malo više. Pretpostavljam da bi vaš odgovor predsjedavajući bio da je konkurs provodio kabinet, a da vi nemate nikakve veze s tim. Ovaj ne ulazeći u stručnost kandidata koji je predložen za pravobranioca Kantona Sarajevo, zaista ne znam, nisam imao iskustva sa čovjekom, ali se tačno vidi i osjeti taj potpis NIP-a u smislu porobljavanja institucija u Kantonu Sarajevo, pa se to onda vidi i kroz inspekciju Kantona Sarajevo, pa sada kroz ovo, pa kroz ono itd. Bojim se da na neki način ovim manirima kakvi se danas primjenjuju u manjem BH entitetu, vi kada zarobite institucije, stavljate ih pod potpunu političku kontrolu. I to nije dobra stvar. Ja do sada, evo, svjedočim ovu situaciju oko inspekcije i žao mi je što sam bio jako blag na izvještaju koji je bio prije nekih petnaestak dana na Skupštini, a na idućem ću itekako uzeti aktivno učešće jer sam sada imao to iskustvo da vidim kako praktično izgleda kada jedna politička stranka uđe u instituciju, privatizuje je i počne kroz nju da provodi opstrukcije u cilju realizacije određenih političkih ciljeva. E sada da ne mogu tvrditi da je u ovom konkretnom slučaju takvo stanje, ali način na koji ste proveli konkurs i sve ono kako izgleda, stavljam i neku dozu sumnje da je ovo jedan politički konkurs bio. Ako budem pogriješio, nekada u narednom periodu i ne bude se tako pokazalo, ja ću rado da se ispravim od toga, ali takav mi utisak ostavlja. Ponavljam još jednom radi gledalaca, nisam bio na toj sjednici Komisije, tako da nisam mogao postaviti određena pitanja, ali znam u prethodnom sazivu kada smo provodili isto tako, konkurs za pravobranioca, čini mi se da li je Kemo Karić tada bio imenovan za pravobranioca, jeste ja mislim, znam da je to bilo, ajde da kažemo više

na neki način proceduralno. Znači zaključak da ne dužimo diskusiju i evo i ramazan je, nije dobro da se ovako ozbiljne institucije na bilo koji način politiziraju jer to kasnije urušava cijeli sistem u Kantonu Sarajevo, a čini mi se da ste vi iz NIP-a ovaj sve te tehnike koje ste prethodno naučili u SDA sada usavršili do te mjere da to postaje nadrealno i počinje da pravi ozbiljnu štetu u javnom sektoru Kantona Sarajevo. Hvala lijepo.

Elvedin Okerić (predsjedavajući)

Replika. Kao što ste i u prethodnim, nekim periodima koristili ovu Skupštinu i mikrofon da bacate sumnju i politizirate bilo kakav proces koji se vodi u Kantonu Sarajevo bez ikakvih dokaza, činjenica, argumenata. Onako samo izrazite neku vrstu sumnje i još na to dodajete kao da znate da je sigurno neko nešto zloupotrijebio i držite kritike moralne, malo ste se popravili u odnosu na zadnju tako jednu primjedbu kada ste imali kada je u pitanju prijem policijskih službenika, gdje ste javno iznijeli da vi imate dokaze, imate svjedoke, kako su urađene neke nepravilnosti, pa je tužilaštvo formiralo predmet i pozvalo vas da date izjavu, ne znam da li je taj predmet zatvoren. Drago mi je da ste se opametili, da više ne govorite da imate materijalni dokaze, da imate svjedoke, ali još uvijek vam je ostao taj, ta namjera loša da kontaminirate određeni prostor nekom sumnjom, a onda iz te sumnje da dalje savjetujete kako to ne treba bez ikakvog dokaza. Kolega Deviću, zamolio bih vas zaista zbog digniteta Skupštine, zbog integriteta i digniteta pojedinaca, ljudi koji se imenuju, koji su dio određenih procedura, da na takav način ne pokušavate da diskreditujete, diskreditujete ljude. Kandidat koji je zadovoljio i koji je najuspješniji u ovoj proceduri, gospodin Samir Termiz je neko ko je obavljao ovu funkciju, u v.d. mandatu i nikad niko nije od zastupnika, zastupnica, ministara u Vladi, nikad niko nije izrazio bilo kakvu sumnju na rad ovog čovjeka kada je u pitanju zaštita imovine i Kantona Sarajevo. Čak štaviše, čak štaviše, i više puta iznosio podnošenjem izvještaja Pravobranilaštva koliko su doprinijeli kada je u pitanju zaštita imovine Kantona i vraćanje imovine Kantona. Sarajevu, koja je godinama bila u najmanju ruku nepoznato čija je. Tako da. Zamolio bih vas zaista da, ukoliko imate bilo kakav dokaz, argument da ima neka nepravilnost, prijavite, iznesete šta god želite, ali nemojte zloupotrebjavati govornicu, i pogotovo nemojte personalno na ljude udarati i nemojte ljude vrijeđati u svojim diskusijama.

Odgovor na repliku zastupnik Dević.

Mahir Dević (zastupnik)

Nemate potrebe vi predsjedavajući da bilo šta insinuirate. Prvo, sama činjenica da se vi javljate da to obranite duboko dalji kod mene otvara sumnju da je ovo sve što sam ja kazao točno. Ja nisam problematizirao kandidata imenom i prezimenom, spomenuo ga šta više nisam, uopće nikoga omalovažavao nisam. Možda vaš taj doživljajni aspekt, neki kada ja diskutujem kod vas se poremeti i po stalno vi imate neke fantazije itd. Pravite neke konstrukcije itd. Koliko vam je ovaj kandidat proveo na poziciji v.d. pravobranioca Kantona Sarajevo? Koliko? Vas pitam, jer vi direktno učestvujete u takvim aktivnostima? Koliko vam je v.d. bio direktor Kantonalne inspekcije? To su vaši isprobani modeli, da vi dovedete svoje kadrove, disciplinirate svoje kadrove, vidite da li će oni za vas poslove obavljati, pa da onda vi, vjerojatno,...

Elvedin Okerić (predsjedavajući)

Kolega Dević, iznosite neistine, moram vas prekinuti. Gospodin Termiz je bio zamjenik pravobranioca i zato je v.d. bio imenovan. Nemojte iznositi neistine dalje, moram vas prekinuti kada govorite neistinu. Isteklo vam je vrijeme. Zastupnik Samir Avdić. Izvolite, imate riječ.

Samir Avdić (zastupnik)

Zahvaljujem predsjedavajući. Zaista nemam potrebu da ulazim u polemiku sa kolegom Devićem, niti imam potrebu da budem ovaj put advokat NIP-a, ali imam potrebu ljudsku prema svom dugogodišnjem poznaniku Samiru Termizu, o kojemu je riječ kada je u pitanju ovaj Prijedlog odluke da potvrdim, s obzirom da ga dugo poznajem, on je, poznajem ga još kao dječaka koji je iz Istočne Bosne izbjegao u Sokolović Koloniju gdje je živio i sada živi na Ilidži i da je na bilo koji način bio zainteresovan za politiku, vjerujte da bih ga ja privukao u SDP da je bilo ikakve šanse. Znači, taj čovjek je potpuno apolitičan i u tom smislu imam potrebu da, s obzirom da on nema mogućnost da se obrati i sam sebe odbrani da, evo, pod punom, krivičnom i moralnom odgovornošću potvrdim da u slučaju ovog kandidata, kandidata sam Samira Termiza, niti slučajno nema niti male šanse da se radi o nekoj vrsti političkog imenovanja. Kada su u pitanju njegove stručne reference, one su, nadam se, svima jasne, samim tim što je dugo obavljao i poziciju zamjenika pravobranioca, samim tim poslije i v.d. pravobranioca, odnosno to je vidljivo i u dokumentaciji koju je predao prilikom svoje aplikacije. Znači, još jednom ponavljam da pod puno moralnom i krivičnom odgovornošću tvrdim da Samir Termiz nije subjekt bilo kojeg političkog imenovanja, konkretno u ovom slučaju. Zahvaljujem.

Elvedin Okerić (predsjedavajući)

Zahvaljujem se kolegi Avdiću. Zastupnik Muamer Bandić se javio za, jel diskusija, jel? Odgovor na repliku zastupnik Dević.

Mahir Dević (zastupnik)

Ja sam ovdje pričao u proceduri, ime i prezime kandidata čak nisam ni spomenuo. Vi ste ovdje sve iskonstruisali dodatno, kao pa sada vi pravdate čovjeka, govorite nam odakle je došao, gdje se rodio, šta je radio itd. I pričate mi da ovo nije političko imenovanje. Jel se vi stvarno šalite ovdje s nama da kažete da ovo nije političko imenovanje za kojeg treba da glasa 18 zastupnika u Skupštini Kantona Sarajevo? Svako imenovanje koje prođe kroz ovaj organ je političko imenovanje i nemojte, mislim ovaj. Znam ja na šta ste vi mislili, djelomično se sa vašom diskusijom mogu složiti. Znači, ja se nisam bavio ni imenom i prezimenom ni stručnom referencom kandidata koji je predložen isključivo za političko imenovanje, već sam se bavio ulogom stranke NiP, pa mi je predsjedavajući oduzeo vanposlovnički riječ, u procesima kako oni to rade, pa sam naveo dva primjera koja su potpuno kompatibilna i onda predsjedavajući zloupotrijebi Poslovnik da mi uzme riječ. Znači, znate kad on to radi, obično kad bude istina, ako je neka greška u informaciji, onda on koristi druge mehanizme; ispravke krivog navoda itd, itd. U tom smislu sam kazao da mi ovo ostavlja takav trag. O stručnosti kandidata ne znam jer nisam bio na Komisiji za izbor i imenovanje, da sam bio, pitao bih, CV-u, itd.

Elvedin Okerić (predsjedavajući)

Vrijeme, evo, malo sam vam pustio vremena da nadoknadimo ovo prošlo.

Mahir Dević (zastupnik)

Mogu li samo jednu rečenicu da završim, da zaključim samo? Ali kazati da ovo imenovanje nije političko, naravno da jeste.

Elvedin Okerić (predsjedavajući)

Žao mi je. Ne mogu vam dozvoliti da govorite neistinu, a da vas ne isključim ili ne opomenem. Zastupnik Muamer Bandić se javio. Pretpostavljam, diskusija, izvolite, imate riječ.

Muamer Bandić (zastupnik)

Zahvaljujem se. Ja ću prije svega isključiti personalno sve kandidate koji se nalaze na listi uspješnih, a ovo ću sada prvenstveno predsjedavajući, vama se sada obraćam, a to smo već na Kolegiju mi najavili iz opozicije da jedan oblik koji vi, ne samo vi, kada kažem, mislim na stranke trojke, koristi mehanizam većinskog odlučivanja da određene odluke, bez pretresanja ili bez neke rasprave, bez uvažavanja opozicije, donesete politički, kako vama odgovara. I ovo ste upravo uradili i u ovom slučaju kada ste imenovali Komisiju za provođenje ove procedure, odnosno procesa izbora pravobranioca. U ovoj Komisiji, dakle, ne postoji niko iz opozicije. Evo ja vidim ovdje, vi ste predsjednik, kolega Handžić i kolega Čičić. Dakle, uz maksimalno uvažavanje je li njihovih kompetencija, smatram da tim mehanizmom ste zloupotrijebili i na neki način onemogućili opoziciju da sudjeluje u jednom ovakvom procesu. Iz tih razloga i kolega Dević i ja imam apsolutno pravo da vam iznosimo sada, da se sve ovo odvija u nekoj, da kažem, političkoj zaštiti ili političkom okviru, da li Naroda i Pravde ili cjelokupnih stranaka trojke. Ono što jest interesantno da ste na raspolaganju u opoziciji imali i neke ljude koji su pravnici, uvažavajući, dakle sekretara Skupštine koja je također pravnik, ali vi ste ipak nekoga iz opozicije kao pravnika mogli ovaj, mogli ste predložiti u ovu komisiju. Druga stvar, pošto smo se već pozivali na određene zakone, ja ću vas podsjetiti, dakle, na jedan princip iz Zakona o organizaciji organa uprave je princip zakonitosti i ako taj Zakon uvažavate i postupate po mjerodavnim odredbama tog zakona i koji nam omogućava ovakvu vrstu jednog imenovanja, onda treba da znate da je kolegica Marijela Hašimbegović u pravu kada vam je rekla da niste dostavili kompletnu dokumentaciju kako bi Skupština mogla da izvrši izbor, odnosno imenovanje na današnjoj sjednici. Dakle, pročitat ću vam član 22. Zakona koji kaže da se za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine, koji je diplomirani pravnik, ima položen pravosudni ispit, ima iskustvo na imovinsko pravnim poslovima u Pravobranilaštvu, pravosudnim organima ili pravnim poslovima i drugim državnim organima, preduzećima i drugim pravnim licima u trajanju od najmanje 5 godina. Ne znam da li ispunjava neko ili ne ispunjava, ali mi CV-ove nemamo. Dakle, formalno, ovaj materijal nije spreman za Skupštinu koja treba da izvrši konačno imenovanje, ukoliko to posmatramo, dakle na način kako je to propisano zakonom koji smo naveli. Ja, dakle, poštujem i poznajem kolegu i vjerujem u ovom slučaju da je kolega Termiz radio na ovim poslovima i ovo kao prigovor ne stavljam kolegi, dakle Termizu, ovo isključivo stavljam vama predsjedavajući, jer ste vi i predsjedavajući Skupštini, predsjednik ste Komisije za izbor i imenovanja, predsjednik ste ove komisije koja je provela ovu proceduru i u svemu ovome, dakle, najveća odgovornost jeste u stvari na vama, a to je onaj način vašeg odlučivanja, ne samo vaše, kažem stranaka trojke koji smo mi osporavali na Kolegiju kada smo tražili da se taj mehanizam većinskog odlučivanja ne zloupotrebljava na štetu procedura i na štetu parlamentarne demokratije. U tom kontekstu, evo, vama stavljamo na prigovor sve ovo što je urađeno kroz ovo, kroz ovaj proces i kroz sam konkurs i u tom kontekstu zaista ne trebate da zaobilazite procedure i da od opozicije pravite neprijatelje. Dakle, sve ono što je dobro urađeno, ja ću zaista svaki put izaći i to konstatovati i pohvaliti. Neću kritikovati ništa ono što je neosnovano, bar iz mog percepcijskog položaja, ali ono što je osnovano, a jako često imamo osnovane razloge za kritiku, ja vas molim da omogućite vaš percepcijski položaj, da li su to moralne pridike ili nisu, ali ipak su ovo argumenti i ovo su činjenice. Ima još ljudi koji prate rad i vođenje ovih procesa, koji nisu u Skupštini i sa kojima mi razgovaramo, sa kojima se konsultujemo, koji su između ostalog, ljudi iz neke struke. Iz tih razloga vas, dakle, molim da jednu vrstu ovakvih aktivnosti svedemo ipak na procedure koje su propisane zakonom i da poštujemo i mišljenje i sugestije, pa i kritike opozicije, nisu te kritike svaki put zlonamjerne. Dakle, trebate dati možda mogućnosti nekih alternativnih rješenja koje bi opozicija imala da predloži. Ukoliko vi na ovaj način, a to je moje mišljenje, svoj rad shvatate na neki neozbiljan način da trebate omogućiti poziciji da ona ozbiljno može da iznosi neka alternativna rješenja

ili da iznosi ozbiljne kritike. Ukoliko, naravno, te kritike pređu demokratske standarde i mi počnemo da vrijeđamo, ja razumijem da vi treba da reagujete, ali zaista ja i Klub Stranke za Bosnu i Hercegovinu nikad nema namjeru da bilo koga kritikujemo na personalnom osnovu. Što se tiče kolege Termiza, poznajem ga i smatram da je čovjek koji može odgovoriti ovome zadatku i vidio sam listu uspješnih kandidata, vidio sam kako ste ih bodovali, međutim to što ste vi vidjeli i na osnovu čega ste izvršili bodovanje nije dostupno ovoj Skupštini, a Skupština donosi konačnu odluku. Hvala.

Elvedin Okerić (predsjedavajući)

Replika kolegi Bandiću. Sama činjenica da vi, pogotovo kolega Dević ovo problematizirate i iznosite određene primjedbe na ovu proceduru, govori da vi želite da obmanete javnost, pogotovo kolega Dević, da obmanete javnost, da vas neko nije konsultovao i pitao. Vi ne dolazite na komisije, mi nismo imali priliku s vama razgovarati, a pogledate šta kaže član Poslovnika, član 104. Poslanik/ zastupnik, ima dužnost da prisustvuje sjednicama Skupštine, sjednicama radnih tijela čiji je član te da učestvuje u njihovom radu i odlučivanju. Kolega Dević nije bio na ovoj sjednici, a on sad post festum problematizira proceduru. Ovaj dalje, u izvještaju ste dobili sljedeće da je Komisija je konstatovala da su sve prispjele prijave dostavljene u propisanom roku blagovremene, potpune i da svi kandidati ispunjavaju uslov javnog oglasa. Ne znam zbog čega želite pod svaku cijenu da nešto problematizirate, ne ide vam ovo nikako na ruku zato što prisustvo na komisijama, ja sam to već jednom i govorio kada je u pitanju kolega Bandić, kolega Zahiragić u Komisiji za sigurnost, pa smo bili prinuđeni da pojedine članove iz opozicije smijenimo da stavimo druge članove iz pozicije i s vama kako bi te komisije bile funkcionalne, vi ne dolazite na komisije, a kada se procedura provede i završi, onda izražavate zabrinutost. Naravno, opet javno, kada je mikrofon upaljena, kada je televizija upaljena, nemate potrebe to raditi. Nemate, pogotovo vi kolega Deviću koji ste član Komisije za izbor i imenovanja, i vi ste mogli da učestvujete, da ste htjeli, međutim vas to ne interesuje, nije vas interesovalo uopšte. A sada kada je sve prošlo, izražavate neku vrstu zabrinutosti. Zaista to nije korektno. Ovo zašto sam pročitao ukazuje sve da niste u pravu.

Ispravko krivog navoda meni ne možete, ja nisam diskutovao. Kolegi. Odgovor na repliku zastupnik Bandić, pa onda ispravka zastupnik Dević.

Muamer Bandić (zastupnik)

Kolega Okeriću, ja prije svega nisam član Komisije za izbor i imenovanje i ja sam vam predlagao da me imenujete zato što samo Klub Stranke za Bosnu i Hercegovinu ne participira u tom radnom tijelu. Kada je u pitanju Komisija za sigurnost niste vi mene smijenili, ja sam podnio tamo kolega Okeriću ostavku neopozivu i vi ste bili prisutni. Dakle, ja sam podnio ostavku. OK, kada je u pitanju dolazak na ostala radna tijela, ja sam član Zakonodavno-pravne komisije i Ustavnopravne komisije, ja dolazim na ta tijela, a tražio sam od sekretara da mi se dostavi sve, svi zapisnici sa tih radnih tijela. Baš me zanima i prisustvo ostalih članova tih radnih tijela? Razlog zbog čega smo to uradili jeste činjenicu ustvari da je obesmišljen rad radnih tijela. Ukoliko se ne sazovemo, imate mogućnost, dakle, da prihvatite stav kao pozitivan. Ukoliko, naravno, imate većinu, također ćete obezbijediti, kao što sam vam rekao, zloupotrebom mehanizma većinskog odlučivanja možete zloupotrijebiti to i ovaj donijeti odluku kakva vama odgovara. Kada je u pitanju konkretno ova procedura, to što vam je neko rekao da ste vi proveli svu proceduru predsjedavajući i da to stoji kroz zapisnik, zapisnik mi ne usvajamo ovdje.

Elvedin Okerić (predsjedavajući)

Vrijeme, kolega Bandiću.

L/K

Muamer Bandić (zastupnik)

Sačekat ćete me, vi ste maloprije proveli. Mi usvajamo dakle odluku o imenovanju, a u toj odluci je sastavni dio samo zapisnik kojim se navodi šta su članovi Komisije utvrdili, s tim da mi nemamo uvida u ono što su oni utvrdili i to bi nama trebalo da bude dostupno da bi mi imali kompletan materijal. U tom kontekstu ja želim da vam kažem, nemojte nam tumačiti odredbe zakona i Poslovnika, već ih primjenjujete. Evo sada vi meni, ja ću glasati za ovo, meni to nije sporno zato što poznajem čovjeka, ali ste vi prekršili proceduru, niste nam dostavili kompletan materijal. To što vi kao Komisija ste utvrdili i uvidjeli, mi nemamo uvid u to. Jel se slažete vi sa mnom sada da mi nemamo uvid u to. Evo, dajte vi meni recite jel imamo uvid? Ili ćemo, evo da kažem, vjerovati vama na riječ, odnosno komisija?

Elvedin Okerić (predsjedavajući)

Služba je mogla dostaviti i taj dio materijala, nemamo ništa protiv da se dostavi. Međutim, to nije nikakav osnov za problematiziranje ovoga.

Ali, evo sad, izašli smo iz okvira, već evo više od 2 minute govorite, a odgovor na repliku je minut.

(zastupnik Bandić govori bez uključenog mikrofona)

Muamer Bandić (zastupnik)

Dobro, mi snosimo odgovornost, ukoliko bude nešto, mi ne bježimo od toga kolega Bandić.

(zastupnik Bandić govori bez uključenog mikrofona)

Elvedin Okerić (predsjedavajući)

To se zove demokratija. Dobro, imamo još prijavljenih, uzeli su malo više vremena. Zastupnik Mahir Dević ispravka krivog navoda zastupniku Bandiću.

Mahir Dević (zastupnik)

Hvala lijepo. Znači, nema potrebe da vi nama držite bilo kakve kritike ko šta radi i ko na kojoj komisiji prisustvuje. U pravilu mislim radi javnosti, da se zna, ja u pravilu prisustvujem sjednicama te komisije, poneka od tih sjednica, nemojte dobacivati, ličite na Stevandića, ne, ličite na Stevandića, ponašate se kao Stevandić, jučer u Narodnoj skupštini RS-a, predsjedavajući, ne stoji vam to. Jedino da vi nas još počnete fizički izbacivati, da nam palite automobile, da nas ubijate, šta je još ostalo, da nam uradite? Ne stoji vam to, mislim taj manir, vaš diktatorski je, davno, prevaziđem predsjedavajući i s vama čovjek čak ni u Ramazanu ne može da razgovara na jednom nivou, znate. Za vas je istina samo ono kada vi uđete ono kao sekta, jer vi u stvari jeste sekta, samo pravo. Šta trebate vi nama ovdje držati odgojno disciplinske mjere, šta da mi diskutujemo, kako da diskutujemo, kako da se ponašamo? Mi ćemo to raditi onako kako mi treba da radimo. Vaše je da obezbijedite zastupnicima da dobiju riječ po Poslovniku, a ne da nam držite ovdje predavanja. Znači kompletna ova procedura koju ste vi provodili ne da stavlja sumnju, nego više od toga da se radi o klasičnom političkom imenovanju. Vi tvrdite da nije političko imenovanje. Kolega Handžić je ozbiljniji čovjek od vas pa kaže da jeste to političko imenovanje, kao i svaka druga, i mi to razumijemo. Formalni razlozi koje je spomenuo kolega Bandić koje niste ispunili ni to vama ništa ne predstavlja, ni zakon, ni procedure itd, itd. Tako da mi, naravno, ćemo se odrediti spram ovog slučaja. Znači bilo šta što vi predložite u pravilu je sevap glasati protiv toga zato što je to tada ispravno, znači tada ste sigurni da nećete pogriješiti. Ponekad je čovjek mogao biti suzdržan, a u pravilu da

podrži bilo šta što vi predložite to to bio morao na neki način da se izanalizira. Tako da evo što se nas inače možemo prije, vi ćete glasat ovo danas, završavati.

Elvedin Okerić (predsjedavajući)

Možemo napraviti neku pauzu, ako imate nešto da se.

Mahir Dević (zastupnik)

Ja, e to.

(predsjedavajući govori bez uključenog mikrofona)

Mahir Dević (zastupnik)

Čovjeka niko nije prozivao imenom i prezimenom, nemojte insinuirati. Pričali smo o procedurama, pričali smo o političkom djelovanju, o čovjeku, imenom i prezimenom niko ga spomenuo nije.

(predsjedavajući govori bez uključenog mikrofona)

Elvedin Okerić (predsjedavajući)

Uključite zastupnika Kapidžića.

Faruk Kapidžić (zastupnik)

Jel se vrijeme uključi skupa s mikrofonom ili prvo vrijeme, a onda mikrofona kada dođe? I to mi je previše. Ne znam, evo slušam ovu diskusiju i tako. Radi se u prvom čovjeku Pravobranilaštva, jel koji treba da brani imovinu Kantona? I sad nije mi jasno uopće, iz ovih replika gospodina Okerića nije mi jasno šta ste vi mislili da ćemo mi aplaudirati? Ja ne znam čovjeka, ali da je najbolji, da je najbolji, vi ćete ga upropastiti, da je najgori, napraviti ćete zvijezdu od njega, znači, uopće ne znam čovjeka, a znam koje je to mjesto. A vi ste devastirali imovinu Kantona. Devastirali ste je i tek ste se spremili da je devastirate. Pa Zakon o javno privatnom partnerstvu koji ste donijeli ranije, pa glavna brana protiv toga da ne padne sve ovo u privatne sumnjive ruke je Pravobranilaštvo. Pa šta vi mislite da ćemo mi aplaudirati kao dobar potez? Pa naravno da, naravno da vi slažete kockice već 4 godine, niste me ni jednom razuvjerali, možda niste sposobni, možda ste jako sposobni, da radite ovo, ja sad to ne znam, evo nek građani prosuđuju, ali uglavnom vi radite i radite. Ja znam šta ste uradili proteklih 3 godine i kako ste devastirali imovinu Kantona. I to smo i pričali i nabrajali. I onda i onda trebate očekivati da mi vjerujemo da će kadar kojeg postavi NiP, da će braniti imovinu Kantona kada je politika da se devastira, da se prebaci u privatne ruke, da se omogući javno privatnom partnerstvu da uđe u objekte kao što je do sada i kao što su i ušli do sad u određene naše kantonalne objekte. I sad, mi ćemo tu dobivati papire od Pravobranilaštva da je sve OK, pa naravno da sumnjam. I sad se vi iščuđavate što gospodin Mahir Dević ili Bandić postavljaju pitanje ili kolegica Marijela. Što? I još vam je čudno? Mislim, ljudi, budite realni. Ja se čudim svakom kadru koji pristane da sjedne na mjesto poslije 3 godine vaše vladavine, 4. Zato ja i gospodinu koji je kandidat kažem da bude oprezan u ovim stvarima. Koliko god da ste poštjeni, ubace vas u proceduru, ne znate, ni jeste ušli ili došli, pa Bošnjaka ste ubacili, ubacili u Vladu i iz Vlade ubacili u zatvor u 6 mjeseci, ulazi na izlaz, a izlaze na ulaze, kako ona pjesma. Mislim, budite realni, niste vi neko kome se može vjerovati nakon 3, 4 godine, koliko god da se neko trudi. Hvala.

Elvedin Okerić (predsjedavajući)

Zastupnik Elvis Vreto se javio za riječ.

L/K

Elvis Vreto (zastupnik)

Hvala predsjedavajući. Pa evo, slušajući ove diskusije, ono što je važno da kažem jeste da će Klub Naroda i Pravde podržati svakako ovo imenovanje. S druge strane zaista nemam namjeru da na bilo koji način vodim polemiku sa ljudima koji je profil razmišljanja i način rada u političkoj stranci kojoj pripadaju, oni su navikli na tako da je to sve politički, da to mora biti imenovano na način kako je zamišljeno i oni ne vjeruju u bilo kakve druge vrste procedure, da može biti procedura normalna i da se proces može normalno odvijati. Ja bih zaista zamolio, evo kolega Kapidžić je ponovno spominje i bivšeg ministra koji je razriješen. A ja mislim da ljudi iz Stranke demokratske akcije imaju najmanje obraza da spominju rad ministra Bošnjaka obzirom na situaciju zbog čega se vodi postupak protiv čovjeka i kojoj političkoj stranci pripada načelnik koji je uključen u sve te radnje. Tako da zaista ovo postaje degutantna priča, napadi i ja mislim da mi trebamo predsjedavajući što se tiče nas iz Kluba Naroda i Pravde, podržavamo ovo imenovanje i svakako ćemo glasati za.

Elvedin Okerić (predsjedavajući)

Zahvaljujemo se. Pauzu 10 minuta, jel dovoljno? Pauza 10 minuta, evo da. Pauza, evo ja tražim pauzu 10 minuta, a da vidim imate li kakvih dilema koje trebamo otvoriti. Pauza 10 minuta.

NASTAVAK NAKON PAUZE

Elvedin Okerić (predsjedavajući)

U konsultaciji sa rukovodstvom prekidam rad današnje sjednice Skupštine Kantona Sarajevo. O nastavku ćete biti blagovremeno obaviješteni. Imamo još dvije sjednice nastavka. Tako da, hvala vam. Prijatno.

S T E N O G R A M
PRVOG NASTAVKA 20. RADNE SJEDNICE
SKUPŠTINE KANTONA SARAJEVO
ODRŽANE 28.03.2025.GODINE

Elvedin Okerić (predsjedavajući)

Otvaram Prvi nastavak 20. Radne sjednice Skupštine Kantona Sarajevo. Himna Bosne i Hercegovine.

Pozivam sve prisutne da svako na svoj način odamo počast svima onima koji su dali svoje živote za odbranu Bosne i Hercegovine od agresije.

Pozdravljam uvažene kolegice i kolege zastupnike, članovi Vlade, uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednice prisustvuje 22 zastupnika, što je dovoljan broj za punovažan rad i odlučivanje.

Izostanak s ovdje sjednice opravdala je dopredsjedavajuća Danijela Kristić i kašnjenje najavio zastupnik Adi Kalem.

Napominjem da smo u okviru prethodnog zasjedanja koje je održano 14.03.2025.godine obradili prve dvije tačke dnevnog reda, tako da ovo zasjedanje nastavljamo na tački

AD-3

PRIJEDLOG ODLUKE O IMENOVANJU PRAVOBRANIOCA PRAVOBRANILAŠTVA KANTONA SARAJEVO

gdje je diskusija iscrpljena. Koristim priliku da zaključim raspravu i da pozovem zastupnike da se izjasne o Prijedlogu odluke o imenovanju pravobranioca Pravobranilaštva Kantona Sarajevo.

Zaključujem glasanje. Molim službu da objavi rezultate glasanja. Za je glasalo 19 zastupnika, protiv ništa, suzdržana 3.

Konstatujem da je Skupština donijela Odluku o imenovanju pravobranioca Pravobranilaštva Kantona Sarajeva.

Molim gospodina Samira Termiza da pristupi davanju svečane izjave.

Elvedin Okerić (predsjedavajući)

Izjavljujem da ću se u vršenju službe

Samir Termiz (pravobranilac Pravobranilaštva KS)

Izjavljujem da će se u vršenju službe

Elvedin Okerić (predsjedavajući)

Pravobranioca pridržavati Ustava i zakona Bosne i Hercegovine

Samir Termiz (pravobranilac Pravobranilaštva KS)

Pravobranioca, pridržavati Ustava i zakona Bosne i Hercegovine.

Elvedin Okerić (predsjedavajući)

Federacije Bosne i Hercegovine.

Samir Termiz (pravobranilac Pravobranilaštva KS)

Federacije Bosne i Hercegovine.

Elvedin Okerić (predsjedavajući)

i Kantona Sarajevo

Samir Termiz (pravobranilac Pravobranilaštva KS)

i Kantona Sarajevo.

Elvedin Okerić (predsjedavajući)

I da ću službu vršiti savjesno.

Samir Termiz (pravobranilac Pravobranilaštva KS)

I da ću službu vršiti savjesno.

Elvedin Okerić (predsjedavajući)

U svoje lično ime i u ime Skupštine Kantona Sarajevo vam čestitam. Želim vam puno sreće u radu.

Obzirom da smo iscrpili sve tačke dnevnog reda današnje sjednice zaključujem rad na 20. Radnoj sjednici.